

石
匱
書
後
集

石匱書卷第六十

妙藝列傳

關思字九思號虛白吳郡人下筆堅凝點染清
曠深得荆關董巨之法大幅雪景尤見超奇蓋
九思作畫皆以草隸奇字之法為之樹如屈錢
山如畫沙絕去甜俗蹊徑方見士氣不爾縱儼
然及格已落畫師魔界不復可救藥矣惟虛白
山人能解脫繩束真是透網金鱗

張爾葆字葆生山陰人少精画理以舅氏朱石
門多藏古畫朝夕觀摩弱冠時即馳名畫苑其
寫生之妙氣韻生動偏肖黃筌而長幘大幅疊
嶂層巒烟雲滅沒更在倪雲林黃大癡之上董
思白曰張葆生胸中讀萬卷書脚下行萬里路
襟懷超曠自然丘壑內營成立鄴鄒隨手寫出
皆為山水傳神垺陳洪綬自幼及門頗得其画
法

李流芳字長蘅嘉定人領鄉薦後即厭棄舉業
不上公車一年強半寄跡西湖凡見湖中朝暾
夕照雲氣變幻盡收入筆端題跋數語澹遠靈
雋字字皆香凡看其画一種學問文章之氣在
東坡當求之筆墨之間在長蘅當求之筆墨之
外至其學步雲林更妙在郊寒島瘦

陳洪綬字章侯諸暨人為諸生魯監國授翰林
待詔筆下奇崛道勁直追古人木石丘壑則李

成范寬花卉翎毛則黃筌崔順仙佛鬼怪則石
恪龍眠畫雖近人已享重價然其為人佻媚不
事生產死無以殮自題其像曰浪得虛名窮鬼
見誚國亡不死不忠不孝

姚允在字簡叔會稽人姚氏世工圖繪而簡叔
筆下澹遠一洗畫工習氣其摩倣古人見其臨
本直可亂真久住白下四方賞鑒家得其片紙
如獲拱璧而雪景奇妙可匹關思

石匱書卷第六十一

宦者列傳

王之俊北直隸人為內官監太監崇禎十六年
五月奉命提督京城巡捕練兵甲申三月十九
日闖賊破京城烈皇帝潛走煤山紅閣自縊
獨之俊扈從跪帝膝前引帶扼脰同死帝側逆
賊義之附葬陵趾

王德化大同人京師稱為二王公崇禎末為司

禮監太監甲申三月闖賊入京城文武百官因
服立午門外上箋勸進德化從大內哭出見百
官憤甚大罵曰誤國賊天子何在汝輩來此何
幹見人即奮拳毆之都人稱快

高時明北直永清人司禮太監賊信急預懸一
棺於中堂左右前後共繞十縵與名下十人同
誓必死賊入自投棺中十人各投縵內舉火焚
之自題其壁云崇禎十七年三月十九日巳時

司禮監掌印太監高時明率名下李繼善等十人合家死節其十人惜薪司總理李繼善新城人御馬監貼場賈彝倫固安人御前近侍馬文科文安人司禮監官郝純仁陝西人御馬監貼場徐養民寶坻人乾清宮近侍宋輔震任立人御馬監太監馬際容城人內官監管理張行素寶坻人近侍李廷弼文安人惜薪司王家棟容城人

李鳳翔北直人司禮監太監自刎城頭

史賓清苑人司禮監太監年九十餘城破被執

罵不絕口賊立夾死

褚憲章北直人司禮監太監城頭親自放炮擊賊炮炸被火焚死名下朱紫貴傳永興徐胤彛
則焚死

方正化北直人司禮監太監高時明名下為保定總監宿城頭者數月軍民憚之城破賊斷其

首擲城外遺骸於城上狼藉淋漓見者哀之

崔承奉失其名里為福王太監職承奉辛巳賊
自天成陷河南執福王承奉獨隨行道語王王
以神宗爺愛子雖失國不可屈節及王至賊所
自成南面立王且欲屈膝承奉據掖之正色大
言自古無千歲下人者即否宜為神宗皇帝
留一薄面王曰奈何曰殿下至此惟有一死明
無屈膝王者王于是以正及難而承奉乃屈

膝賊罵曰初何以教王傲而自犯之承奉曰此
為王屈膝也願收王屍厚葬之賊猶怒不許賊
黨牛金星來儀勸自成曰此義氣當成其志遂
許諾葬畢承奉入請死賊竟殺之

石匱書曰 先帝股肱心腹之臣滿天下而攀
髯折湖者止王之後一人何其寥々也迨聞有
高時明輩十餘人泣丐正命不可謂婦寺無人
秦人之所以歌黃鳥矣魯監國時太監高起潛

革狼奔至越萬壑千巖無所容其七尺為人所
凌賊至求死不得望門拔止祇為全軀計而軀
果何全乎哉

石匱書曰 高皇帝鑄一鐵牌懸之午門曰內
臣不許干預政事其所以貽謀誠善矣柰子孫
朝內璫用事其禍且與國運相為終始 祖宗
有靈有不切齒地下哉余獨慨前代全盛之朝
常侍黃門尚存殷鑒而反區區監國猶且受制

家奴而不能自拔 高皇帝之明訓可不確守
也哉

宦者列傳附後

曹化淳不知所出而在魏忠賢門下落職已久
崇禎甲申三月賊勢甚急起化淳管理皇城化
淳奏言忠賢若在時事決不敗壞至此 上聞
之惻然傳諭收葬忠賢骸骨十八日賊攻彰義
門化淳城上發炮不入鉛彈惟有空響而已十

九日賊乘勢用大砲急擊上聞遣化淳督戰
比至誘我兵曰賊已上城矣城頭守卒皆奔潰
化淳亦雷沸不能禁化淳開門迎降京城遂陷自
成入宮內監三百人迎之德勝門令仍舊職各
監局印官迎亦如之因集選百二十人餘皆散
去自成與偽都督劉宗敏數十騎入大內化淳
與杜之秩前導自成責其背主當斬化淳等叩
首曰識天命故至此自成叱之起衆呼萬歲

杜勲榆林人甲申三月朔間流賊寇陝西全省
俱陷遣內官監制各鎮杜勲監宣府杜之秩守
居庸初七日賊至宣府宣府叛將白廣恩與總
兵姜瓖約降杜勲緋袍八騎郊逆三十里侍賊
部下十五日至居庸杜之秩迎降十七日薄京
城賊李自成對彰義門設座晉王代王左右
席地坐杜勲走城下呼城上人莫射我杜勲也
可絕下一人以語守者曰留一人為質請公上

勲曰我杜勲無所畏何質為提督太監王承恩
縊之上同入見大內勲盛稱賊勢重皇上可自
為計守陵太監申芝秀自昌降賊亦縊上入見
備述賊犯上不道語請遜位上怒叱之諸內臣
請留勲曰有秦晉二王為質我不逆則二王
不免矣乃縊之出仍縊下勲語守璫王則克褚
憲章曰吾輩富貴自在也初聞勲殉難贈司禮
監太監廕錦衣衛指揮僉事立祠祀之至說始

得其實

石匱書曰魏忠賢流毒海內天下已成瓦解之
勢明之所以不即亡者幸耳乃尚留遺孽如曹
化淳杜勲者降賊獻門忠賢之遺禍至此始盡
嗟乎我明天下不亡之崇禎而寔亡之天啓不
失之流賊而寔失之忠賢當時有人曰魏太監
薄天子而不爲此語不信然哉

石壘書卷第六十二

中原制賊傳總論

恭愍建元王嘉胤以飢民初亂率自成附之而
白水王二邊盜苗美等往；合濟兵以應余此
時有汲黯發河內之粟賈實定郭曖之軍則解
甲歸農費刀買犢匪異人仕也奈何應變乖方
蔓延莫制嘉胤擒斬之後分頭道神活地草等
為三十六營而混天星侵軼商淮過天星盤據

汧隴獨行狼屠毒漢蝎子塊焚掠

中

圖蹂躪盡失比之苞葉不剪流為腫腫疥癬不

治結為大疽以至面石輟斧而躊躇扁鵲望色

而却走嗟乎豈不晚哉乃群盜之最可恨者窮

則乞降勝即復逞此則投誠彼即負固以故羅

才才之入巴蜀也八部投戈李自成之困靖西

也九軍歸命及乎孫傳庭盤屋之戰擒關王以

獻俘劉良佐左良玉義門之戰破賊兵二十餘

萬此何異李固之入荊州度尚之臨艾縣而乃
摧陷雖多廓清難奏者則以分關之事權不一
前門拒虎而後門進狼行間之款附非真豺豸
已改而鷹眼不化也至於十五年之後袁時中
既滅老回：并營而弱者半降于官軍强者悉
隸于闖若寃至公私塗炭宗社命胥論者咸謂
自成之罪上通於天而予未嘗不歎息痛恨于
群盜也譬猶蠹木獻忠啄之自成殊之寔群盜

鑽穴之譬猶逐鹿獻忠特之自成攬之寔
聚路之則群盜之罪可末戒於自成也哉嗟乎
秦祚之亡亦受四方蠶食隋社之滅皆因劇賊
鴟張思宗志在毛全而禍同冰解總由彼蠅蛆
攢潤而蜂蠆肆毒也悲夫

石匱書卷第

中原羣盜傳

崇禎元年延安饑十一月府谷民王嘉胤倡亂
饑民附之白水盜王二等復合徒衆劫掠蒲州
韓城間時承平久猝被兵人無固志巡撫陝西
都御史胡廷宴庸而老惡聞盜杖各縣報者曰
此饑氓徐自定耳于是有司不以聞盜偵知之
益恣劫宜君縣獄北合嘉胤五六千人聚延邊

之黃龍山

二年正月壬戌撫治勦陽都御史梁應澤以漢南盜告急請兵撫標止步兵三百人陝西巡撫胡廷宴延綏巡撫岳和毅各報洛川淳化三水略陽清水成縣韓城宜君中部石泉宜川綏德定耀靜寧潼關陽平關金鎖關等處流賊恣掠給事中薛國觀上言賊之熾也由喬應甲撫秦置盜却不問實釀其禍今弭盜之方在整飭吏

治有先事隄防之法有臨事剪滅之法有後事懲戒之法上是之已巳固原逃兵掠涇陽富平執游擊李英二月陝西備兵商洛道劉應遇率毛兵入漢中合川兵敗賊畧陽守備黃元極擊賊馬蹶被殺捕手刃賊不置賊走漢陰應遇遣兵追斬五百餘誅渠魁數十人餘走蜀其侵漢陰山中者並自殺漢南盜平三月丙子流盜掠真寧州安化三水四月甲午固原

賊犯耀州督糧叅政洪承疇合官兵鄉勇萬餘
人圍賊于雲陽幾覆之賊乘夜雷雨潰圍走淳
化入神道嶺劉應遇以千人徧漢中賊于五
丁峽寧羗知州陳元瓚失防盜遁巡按陝西
御史吳煥言秦寇慘掠古所罕有撫臣胡廷宴
糾于積弛束手無措則舉而委之邊兵至延綏
撫臣岳和穀諱言邊兵爲盜又委之內地總之
兩撫欺飾釀患致斯民悍卒相煽不已而西安

延安諸邑皆被盜矣盜發于白水之七月則邊
賊少而土賊多今年報盜皆騎銳動至七八千
人則兩撫之推諉隱諱實釀之也十一月京

師戒嚴山西巡撫都御史耿如杞以兵入衛譚
于泳大掠良鄉如杞逮論死西兵皆沿邊動卒
潰而失次竄走剽掠山東大盜混天王等掠
延川米脂青澗等縣起前總兵杜文煥勦之

三年正月陝西邊盜王千順苗美連逃兵掠綏

德衆三四千南圍韓城總督楊鶴巡撫劉廣生
提兵赴援斬首三千級賊遁後犯清澗官兵追
逐之賊走西川官兵追擊降三百餘人餘大奔
苗美叔苗登霧嘯聚于安定總兵杜文煥擊敗
之先是萬曆時朝廷念西軍勞苦預給三月糧
以爲常崇禎二年秦大旱粟騰貴軍餉告匱延
緩巡撫楊鶴甘肅巡撫梅之煥分道勤王兩年
後以稽餉而譴其潰卒畏捕誅亡命山谷間倡

饑民爲亂時東事益急廷議核兵餉各邊鎮咸
釐汰裁餉至數十萬乘障兵咸譟而下又以給
事中劉懋清裁定驛站即給郵束傳有額毋濫
用縣官錢歲省費無算謂蘇民力也而河北游
民向藉食驛楮用是益無賴歲不登無所得食
所在潰兵煽之而全陝無寧土矣 命洪承疇
以都御史巡撫延綏 王嘉胤臨府谷他賊入
山西犯襄陵吉洲太平曲沃 四月賊王子順

苗美陷蒲縣山西自河曲至蒲津千五百里俱
鄰陝河最狹賊自神木渡河陷蒲已分三部東
犯趙城洪洞汾霍而掠石樓永和吉陽賊首自
號橫天一字王五月賊破金鎖關殺都司王
廉六月王嘉胤陷黃甫川清水二營遂據府
谷洪承疇與杜文煥圍之賊夜劫營官兵擊敗
之延安知府張策都司艾穆蹙賊于延川賊
求撫王子順張述聖姬三兒等俱降王嘉胤等

掠延安慶陽城堡多陷總督楊鶴主撫不以聞
與陝撫劉廣生遣官持牌四出招賊；魁黃虎
小紅狼一丈青龍江水掠地虎郝小泉等俱給
牒免死安置延綏河西但不焚殺其淫掠如故
民罹毒益甚有司莫敢告而寇患成于此矣
兵科給事中劉懋上言秦之流賊非流自他省
卽延慶之兵丁土賊也邊賊倚土寇為鄉導土
寇倚邊賊為羽翼六七年來韓蒲被掠其數不

多至近年荒旱頻仍愚民影附流劫涇原富穠
之間賊勢始大當事以不練之兵剿之不克又
議撫之其剿也所斬獲皆饑民也而真賊飽掠
以去矣其撫也非不稱降聚衆無食仍出劫掠
名降而實非降也且今年麥苗盡枯斗粟金三
錢營卒乏食三十餘月即慈母不能保其子彼
官且衆兵民何哉且邇來貪酷成風民有三金
不能供納賦之一金至于捕一盜而破十數人

之家完一贖而傾入百金之產求何民不驅為
盜乎若營兵曠伍半役于司道半折于武弁所
餘老弱既不堪戰又不練習當責督撫清汰操
練以備實用也 山西流賊破蒲州潞安官兵
敗沒 七月御史黃道直言盜起于饑請發餉
銀易米一從保德州河路一從洛宜陸路賑饑
民庶收拾人心解散黨附不報 八月王嘉胤
勾西人入犯佯乞降仍奪路走黃甫川復引西

人入掠洪承疇杜文煥從孤山進擊大破之賊
奔潰 十月王嘉胤陷清水營殺遊擊李顯宗
復陷府谷大盜李老柴于鄜雅間糾三千餘人
攻合水寧夏總兵賀虎臣擊賊于盤谷斬六百
餘級又敗之寧州 十一月山西總兵王國標
追賊于河曲發西洋砲；炸兵自亂賊乘之大
潰遂陷河曲 十二月乙巳盜神一元破寧塞
據之殺叅將陳三槐圍靖邊副使李右梓固守

賊勾西人四千騎並圍靖邊三日夜遂陷柳樹
澗保安等城

四年正月神一元陷保安副總兵張應昌擊敗
之神一元死第一魁領其衆 癸未山西賊犯
平陽 庚寅王嘉胤渡河掠萊園游副總兵曹
文詒擊却之 己亥命御史具姓賣金賑陝西
饑荒招撫流盜諭曰陝西屢報饑荒小民失業
甚者迫而從賊自罹鋒刃誰非赤子顛連若斯

今特發十萬金命御史前去酌彼災處次第賑
給仍曉諭愚民即或脇從僅入賊黨若肯歸正
即為良民嘉與維新一體收恤 上召輔臣九
卿科道及各省監司干文華殿上問山西按察
使杜壽林流寇之事對曰寇在平陽或在河曲
近聞漸已渡河、曲尚阻須大剿之但兵寡餉
乏耳上曰前言寇平何尚阻也對曰山陝隔河
倏去倏來故河曲獨被困問河曲之陷曰賊未

嘗攻大抵饑民爲之內應今不早圖有誤國事
上問陝西叅政劉嘉遇以流寇對曰流寇因兵
餉不足故難勦耳且寇見官兵即散退後嘯聚
上曰寇亦吾赤子也宜招撫之又問近寇所在
對曰一在延安一在宜川上凝思久之命退

寧武總兵孫顯祖言聞喜稷山賊二十餘萬日
勦日益官兵不過二千奔逐不支乞發京營或
調邊騎夾勦命下所督便宜專制總督張宗衡

以兵餉並乏竟不行 二月壬午總兵賀虎臣
杜文煥合軍圍保安神一魁勾西人千餘騎突
圍出復糾賊數萬剗寧夏都指揮王英兵潰諸
道將棄城南奔戊午一魁至慶陽破東關游擊
伍維藩擊斬五百餘人 戊辰賊圍慶陽總督
楊鶴在邠乾不即援宜君賊趙和尚等南犯涇
陽三原韓城澄城各賊分犯不知其數 壬申
神一魁陷合水 三月丁丑張應昌等援慶陽

賊圍解時議招一魁散其黨 癸未賊帥孫繼
業茹成名等六十餘人來降總督楊鶴受之設
御座于固原城樓上賊跪拜呼萬歲因宣聖諭
令設誓各解散或歸伍或歸農自此群盜視總
督如兒戲矣 甲午陝盜劉五可天飛據鐵角
城混天飛獨行狼等聚蘆保嶺衆各萬餘分犯
平涼固原耀州涇陽三原盜混天猴薄寧州分
犯環縣 賊陷武安走平涼詐稱官兵襲陷華

亭時大盜王老虎圍莊浪曹文詔王性善西勦
諸賊乘虛四犯楊鶴給降人牒令各還鄉簡
其豪千餘人以恭將吳弘器領之駐寧塞而宜
君雖川盜又蠶起矣副總兵曹文詔擊賊于
栗園大敗之四月己未神一魁降于楊鶴
責數其罪俱伏謝一魁有戰騎五千鶴侈其事
上言乞賜一二萬金賑濟又止巡撫練國事北
征宜雖賊亦求撫于國事從之其脇從饑民各

給牒回籍首領置軍中 省臣劾宣大總督魏
雲中陝西總督楊鐸惟怯玩寇上切責雲中等
平盜自贖時言官交論鐸、疏引咎 曹文詔
等克河曲斬賊一千五百餘級獲兵械馬騾數
千 丁卯延綏巡撫洪承疇令守備賀人龍勞
降者酒降者入謝伏兵斬三百二十人 庚午
賊陷始興 御史吳姓西行至延長寇聚城下
諭以禍福委同知趙鶴年分賑賊各解散游賊

聞之皆回受賑撫賊七千有奇降盜不沾泥

擁衆脇糧賞復攻米暗總兵王承恩侯拱極率

三千人至陵州洪承疇張應昌亦至賊分兩營

以待連戰賊始遁追至西川斬三百餘級賊溺

死無算官兵屯西川雙湖峪其間窩寨六十有

四皆險絕盡為賊藪承疇乃令在在設防堵截

不沾泥懇率百騎逃關山嶺都司馬科等追之

盡殲其騎不沾泥乃降手殺賊目雙翅虎練獻

柴金龍以自贖 五月乙亥王承恩擊宜川賊
敗之賊圍王虎金翅鵬乞降金翅鵬即王子順
姪成功也餘賊之宜君其衆二萬 陝西都司
曹變蛟追寧塞遺賊于唐毛山賊大潰四戰皆
捷先後斬一千四百餘級而寧塞之逸賊稍殺
矣 御史吳姓至榆林鎮以晉兵過糴斗米銀
六錢草根木皮俱盡人至相食姓因奏榆林爲
西北雄鎮宿將勁兵出焉非他鎮比雜販牟利

商民欣赴初無損于晉若以防河爲名而絕秦
人之命恐謀國不在此也 延安賊趙四兒以

萬餘人掠韓城郃陽靈州叅將張全昌以五百
人戰三日斬三百餘級賊走鄜州復進擊斬六
百餘級時榆林連旱四年延安饑民甚衆西安
大旱巡撫練國事更請發帑賑濟不報趙四兒
尋降 初洪承疇撫盜王千順等駐榆林巡按
御史李應期誅之上謂賊勢蹶甚招撫爲非殺

之良是命吳桂敷奏 丁酉延綏榆林大雨始

有禾 庚子盜滿天星降于楊鶴 選其驍勇

置營中散其黨萬二千人即命其魁分勒回籍

未數月皆畔去 壬寅賊萬人自合水保安逃

出攻中部降丁內應城陷 六月癸卯曹文詡

擊斬王嘉胤于陽城其黨復推王自用為首號

曰紫金梁其黨自相名目有老回、八金剛闖

王闖將八大王掃地王闖塌天破甲錐邢紅狼

亂世王混天王顯道神鄉里人活地草等分爲
三十六營 辛酉鄜州賊混天猴張孟金謀襲
靖邊張應昌邀之于真水川敗之追斬四百餘
級癸亥混天猴獨行狼等萬餘人自甘泉犯合
水洪承疇率兵追擊敗之甘泉山中混天猴等
乞降 七月賊首上天龍馬老虎獨行狼復掠
鄜州列三營于太平原楊鶴王承恩擊破之上
天龍等以二千入降給事中孟國祥曹履泰各

奏撫賊欺飾之弊 癸未逮總督陝西三邊都
御史楊鶴下刑部獄論戍之 丁亥曹文詒等
諸將擊賊連敗之賊奔東北是後也合督撫四
鎮之兵窮追半月先後數十戰賊敗潛遁山谷
延安慶陽千里內暫安焉 甲午賊趙四兒六
千餘人東渡山西總督洪承疇等兵從之賊入
沁水縣 東北有竇莊故張忠烈公銓里居也
先是銓父尚書五典謂海內將亂築塙爲堡甚

堅至是賊犯寶莊五典已沒銓于道潘道澤俱
官京師惟銓妻霍氏守舍衆議棄堡去霍氏語
其少于道澄曰避賊而出家不保出而遇賊身
更不免等死耳死于家不猶愈死于野乎且我
守堅賊必不得志躬率僮僕爲守禦賊至環攻
之堡中矢石並發賊傷甚衆越四日乃退其避
山谷者多遇賊湔殺惟張氏宗族得全冀北兵
備王肇生表其堡曰夫人城 辛丑陝西賊陷

中郎王承恩擊斬千七百級 八月癸卯總兵
賀虎臣擊斬慶陽賊劉六斬其餘黨五百餘人
西路斬平 先是巡按陝西御史李應期言秦
賊旋撫旋叛上命御史吳姓確查報聞姓上言
延慶地亘數千里土瘠民窮連歲旱荒盜賊蟻
起西路則神一元破軍塞安邊攻保安一元以
第一魁繼之又破合水圍慶陽總督楊鶴招撫
四千有奇餘黨郝臨菴劉六等衆不下數萬掠

環縣真寧間此保安合水之流孽也延安四載
奇荒邊軍始亂出掠米脂綏德青澗脇從甚衆
幾于無民流劫延南點燈于衆號數萬自山西
回黃龍山西安北界數州縣被毒甚慘此延北
邊賊流毒西安者也近官軍南剿賊望風潛逃
相繼招安滿天星等降于榆林餘賊遂徙而北
其降賊雖散原籍仍復劫掠于是有官賊之謠
而人致恨于招撫之失事矣點燈于衆五六十

在青澗旋撫旋叛慶陽郝臨巷劉六等亦曾受撫今攻陷中部者皆其衆也又降賊獨頭虎見大兵之來已出韓城潼關道臣胡其俊猶追贖錢九十萬賊復橫索一一給之惟謹要挾重資之說有自來矣爲今之計集兵合剿殲其渠而餘衆自破明賞罰而士氣自鼓泰事猶可爲也

山西賊陷隰州蒲州命許昂臣巡撫山西

洪承疇駐慶陽報乏餉已承疇兵大敗趙四兒

于山西桑落鎮 九月山西賊入河北犯濟原
神一魁復叛據寧塞剗守將吳弘器范禮官
兵攻圍之其黨黃友才斬一魁以獻 盜獨頭
虎滿天星一丈青上天猴等五部恣掠宜碓副
總兵趙大胤在韓城去賊營二十里不敢出戰
土人強之出報斬五十級驗之則率婦女首也
給事中魏呈潤劾大胤落職 壬辰命洪承疇
總督陝西三邊張福臻巡撫延綏 黃友才復

叛而遁追斬千一百級 洪承疇擊賊趙四兒
擒之即點燈于也起青澗綏德奔突延西間往
來秦晉沿河郡縣多苦之至是伏誅平陽稍安
其黨黑煞神起又有過天星蝎子塊與紫金梁
等共數十部自賊據中部官軍攻圍兩月不下
冬十月曹文詒及張福臻兵俱至克之 陝西
賊陷宜川 十一月丙午陝賊譚雄陷安塞襲
掠一空仍乞撫閏十一月王承恩誘譚雄等五

人斬之 癸丑陝賊不沾泥張存孟等臨安定
甲子王承恩克安塞斬五百餘級郎進勦安定
賊潛走綏德 降丁混天猴勾盜陷甘泉劫餉
銀十萬八千兩殺知縣郭永圖備兵河西張允
登戰虎洪承疇聞之遣王承恩分勦以甘泉廊
延咽喉而自以四百人赴之賊勢日熾承疇日
不暇給矣 寧武總兵孫頸祖敗賊蝎子塊于
萬泉 十二月甘泉賊陷宜君又陷葭州備兵

僉事郭景嵩死之 己丑諸降盜復叛攻綏德

上憂延綏賊蔓以山陝督撫請餉疏切責戶

兵二部兵部尚書熊明遇請措二十萬金接濟

秦中 甲午孫顯祖于河津聞喜等處與賊六

戰俱捷 五年正月延綏賊偽爲米商入宜君

遂陷之復陷保安合水流入山西者陷蒲州永

寧大掠四出山西巡按御史羅世錦歸咎于秦

謂以隣爲壑給事中裴君賜晉人也上言責成

秦之撫鎮驅之回秦而後再議剿撫蓋當事之
無定見如此 洪承疇請留陝西餉銀二十萬
資勦費并以勸農從之 先是寧塞逸賊合環
慶諸寇屯鎮原之蒲河欲犯平涼走鳳翔漢中
陝撫練國事檄固原脩兵王振奇同副總兵王
性善等截守各隘口檄平涼兵備徐如翰同副
總兵董志義守涇州各要害又檄總兵楊嘉謨
等緝奸殺賊塘馬斷其耳目賊遂不敢出又食

乏互相猜疑洪承疇從郝州間道疾至慶陽曹
文詔以臨洮兵至賀虎臣兵亦至會于西澳各
夾擊賊大小十餘戰追奔數十里斬首千餘級
傷墜無算而寧塞之寇盡矣惟渾天猴等尚據
襄樂練國事遂移鎮寧州時以西澳之捷為用
兵來第一 戊午洪承疇等擊敗賊于魏安堡
賊雖奔竄尚破華亭擾莊浪而官兵追捕皆破
騰潛匿先是延西諸寇承疇偕文詔先後清蕩

而鐵角城乃邊盜藪郝臨庵可天飛爲官軍所
敗獨行狼蹏入其伍耕牧鐵角城爲持久計聞
他盜盡平甚懼承疇文詔擊破之斬可天飛其
二賊亦生得就誅自西澳捷後軍殷大振曹文
詒忠勇善戰承疇與下同甘苦得士卒心轉戰
四載斬級三萬西人稍休息然亦憊甚矣

甲子陝西原任通政使馬鳴世奏曰三秦爲海
內上游延安慶陽爲關中藩屏榆林又爲延慶

藩籬無榆林必無延慶無延慶必無關中矣乃
自盜發以來破城屠野四載于茲良以盜衆我
寡盜飽我饑內鮮及時之餉外乏應手之援揆
厥所由緣廟堂之上以延慶眎延慶未嘗以全
秦眎延慶以秦眎秦未嘗以天下安危眎秦而
且誤視此流盜爲饑民勢焰燎原莫可撲滅若
非亟增大兵措大餉爲一勞永逸之計恐官軍
驚于東賊馳于西師老財匱揭竿莫禦天下事

尚思言哉乞勅所司亟措餉二十萬給民牛種
爲兵士犒賞急圖安戢庶全秦安而各鎮安矣
張應昌等擊黃友才斬之 二月寧塞通寇

復熾 庚寅盜夜入廊州備兵僉事郭應響死
之 三月壬戌陝西賊陷華亭知縣徐北麟赴
任七日城陷逮至竟坐棄市人皆寬之 四月
湖廣流盜自興國入江西恭和吉安等處 七
月山西賊陷大寧 八月曹文詔擊賊甘泉敗

之洪承疇令脇從者免殺降四千餘人散者亦
數千人餘賊散匿山谷山西巡撫宋繞腹擊
賊于長子賊奔沁水庚辰賊首紫金梁老回回
八金剛以三萬衆圍寶莊時張道濬得罪家居
率其族禦之賊多死聞秦師且至懼欲乞撫紫
金梁呼于壁下道濬登陴見之紫金梁免胄前
曰我王自用也誤從王嘉胤故至此來乞降
耳俄老回亦至道濬諭之曰急還所俘散若

徒衆吾爲請于撫軍貸爾死賊乃還所掠拔營而西入陽城界道濟以賊情告于統發曰賊狡未可信因遣使往覘賊諸賊成就約惟八大王闖蜀天五營不受命紫金梁歸款未決諸軍衆賊不備輕騎襲賊營賊怒南犯濟源臨溫陽九月山西賊破臨縣賊魁豹五等擄其城又臨修武殺知縣劉鳳翔焚掠武涉暉縣遂圍懷慶上以蒲封重地切責河南巡撫樊尚燝殺賊自

贖賊既盡，鄆河北、山西巡撫宋統殷備兵冀北。
王肇生率軍次陵川，扼賊北歸。賊北走，遇官軍。
賊死關，互相勝負。會夜，與賊爭險，對營兩山頭。
賊緣窮谷而登，大譟。官軍亂，統殷肇生皆走，與
諸軍相失。宣大總督張宗衡將兵至高平，統殷
肇生以師畢會，大破賊于桑干，鎮賊復入沁水。
十月，詔副總兵左良玉將兵二千五百人援
懷慶。癸未，王承恩敗安塞遺賊于西川胡堡。

賊目喬六白斬其魁黨以降餘遁延綏稍寧

十一月罷山西巡撫宋統殷以許昂臣代之

十二月張宗衡許昂臣同逐賊臨縣賊轉入盤

磨山方六百里賊圍正虎據交城文水以窺

太原祁滿川上天龍據吳城向陽以窺汾州紫

金梁以秦豫毛兵俱集澤潞東南遂乘虛從沁

州而北入榆次又入壽陽距太原不五十里許

昂臣撤師北歸時賊首亂世王與紫金梁爭一

掠婦孺小陳遣其弟混天王來歸延議方督進
討諸將諱言受降權辭謝之約得紫金梁頭始
為請于朝混天王唯泣涕而去亂世王與破
甲錐合謀圖紫金梁賊分為三陷霍垣曲長子
諸將壬辰陷遼州是日除夕也 是月趙和尚
等賊斬其魁霍維端以降諸將分領入營還宜
君

六年正月丁酉賊闌入畿南西山距順德百里

時大隊在山西分為二一北向西犯平縣窺固
關一南向河北懷衛之間盡遭蹂躪天 丁未
左良玉敗賊干涉縣西斬其渠賊望其旗幟皆
靡然賊勢尚熾謀渡河南犯 癸丑進曹文詔
都督同知文詔連敗賊于忻代間斬首千五百
級 二月許鼎臣曹文詔屯平定張應昌屯汾
州駐太原東西以禦寇 賊踞林縣山中饑民
相望而起左良玉敗績于武安河南兵七千先

後失亡殆盡賊益熾左良玉勢孤乃請鄧玘兵
相援備兵井陘副使寇從化撤守備李定王國
璽逐賊畿輔陷賊伏中兵敗死亡畧盡賊長驅
保定備兵副使盧象昇禦卻之曹文詒敗賊
于榆杜時文詒屢捷張應昌追遯不進紫金梁
老回回從榆杜敗北并三月蜀賊寇百丈關
官軍敗沒詔總兵鄧玘將川兵三千並以
駐土司馬鳳儀兵馳赴河南未幾馬鳳儀敗沒

丙午山西兵擊賊于陽城北張道濬設伏于
三盤凹賊至伏起擊之斬其魁生擒賊首甫八
星闖王賊大奔巡撫鼎臣獻俘闕下奏道濬功
第一 四月丙寅山西賊陷平順 乙酉曹文

詒敗賊于陽城斬千餘級 河南西路賊自輝
縣入清化鎮所在守將敗沒部臣以河南不塞
太行之險搆賊使入撫臣不得無罪 五月癸
巳山西巡撫鼎臣以流寇恣掠請蠲積逋并豫

免數年額賦不許 已而上以勦賊諸將一時
功罪勤惰應有監紀特命內監陳大金閻思印
謝文舉孫茂霖分監曹文詔張應昌左良玉鄧
玘軍紀功過催糧餉仍發內帑四萬金素紅牌
限回百匹紅素于軍前給賞 庚申曹文詔
夜襲賊于偏店賊亡走墜山谷者亡算盡南奔
諸將會兵逐之沙河奪馬騾數千縣自許州
走 河北然陷涉縣 六月乙丑川兵潰于林

縣毛兵殺傷甚衆潞王告急乞濟師。丙寅河
北賊圍湯陰林輝涉安諸邑別賊自陽城迫
來合于濟源。山西賊陷和順。辛巳左良玉
破賊于懷慶賊盡奔太行山。上念中州寇盜
蔓延命總兵倪寵王樸分將京營兵監以內監
楊進朝盧九德賜二帥矢千五百戰馬三百
健丁三百馳赴中州來勦。七月乙未賊屯彰
德汾州張應昌進勦汾陽知縣費甲總以逼迫

苦供億投井死 丙申山西賊陷樂平 河北

賊攻彰德左良玉禦却之 辛丑山西賊陷永

和旋陷沁水賊自秦入晉五犯沁水至是陷之

八月丁亥陝西賊攻隆德殺知縣費彦芳分

守固原恭政陸夢龍戰於綏德城下死之 九

月己亥張應昌敗賊于平山獲賊首張有義郎

一盞燈也 十月丁卯山西河北諸賊二

營乘水渡河而南犯閭鄉陷澠池分入河南湖

廣漢中興平 畿內賊至寧晉掠南宮甚慘尋
走五臺山 周數百里賊據顯通寺其口斤山
皆具險阻足守官軍不敢擊 十二月己未河
南城陷伊陽庚申陷盧氏徧掠汝州浙川內鄉
光化均州戊寅犯南陽 庚辰湖廣賊假進香
客陷鄖西 癸未湖廣賊陷上津丙戌陝賊陷
鎮安 時秦賊既盡入晉流突畿輔河南至數
十萬而延綏賊首鎖天甫開山斧獨據永寧關

前阻山險下臨黃河負隅數年不下延綏巡撫
陳奇瑜謀取之乃陽傳總制檄發兵簡衆七千
人抵延川潛師疾走入山賊不虞大兵至倉皇
潰侯焚其巢縱擊斬首千六百級二賊死分兵
擊賊首一座城斬之延水盜悉平奇瑜威名著
關陝 是年陝西山西大饑

七年正月壬辰降盜王劉王之西遁八月
太原挾賞巡撫戴君思謨宴誘副等斬之共斬

四百二十七人王之臣即豹五通天柱孝義土
賊也而嵐岢大盜高加計號顯道神元
旱饑民投賊者逾衆 畿輔兵漸集賊西竄
河南賊自鄖陽渡江薄穀城掠光化新野而襄
陽賊六路俱集郡兵不能支又賊四五千入
郢界圍均州往荊門西北裔陵 辛丑陝賊陷
洵陽逼興安西鄉土寇乘之漢中震動興安賊
連陷紫陽平利白河道臣王在臺固守興安洪

承疇赴援城得全時練國事移兵商雒賊南破
鳳縣入四川癸丑陷建安 乙卯楚賊陷房縣
保康 南京兵部尚書呂維祺奏言南都鳳泗
承天陵寢所在宜以宿衛襄葉為咽喉淮徐則
京師咽喉也乞救淮撫楊一鵬急宜預備防賊
東犯 二月壬戌蜀賊陷興山壬申入瞿塘陷
夔州一宿去 賊既蔓延秦晉結豫之勢流寇
無定廷議以為各鎮撫事權不一互相觀望宜

以重臣開留府統攝諸道兵計賊制曰可會擬
洪承疇因陝西三邊所恃未可輕易詔遣
巡撫陳奇瑜兵部右侍郎總督陝西山西河南
湖廣四川軍務睚賊所向隨方勦撫奇瑜檄諸
將會兵于陝川 三月己丑南京右都御史唐
世濟上言流寇有四一亂民一驛卒一饑黎一
難氓宜分別勦撫上善之下總督奇瑜 乙巳
川兵敗賊于巴州 山西自去秋八月至是不

雨大饑人相食 四月丙辰逮撫治鄖陽蔣允儀以失陷鄖西諸邑也 川賊渡利州河札陽平白水等關分四路土人力拒之賊走奉節楚賊在房縣婦倍于男總兵張全昌連擊敗之半成發帑金五萬命御史梁炳賑饑陝西時山西永寧州民蘇倚哥殺父母爰而食之 川賊二萬人屯鄖陽之黃龍灘今三進一 川過河南一鄖陽趨淪川一趨商洛盧氏張應昌

兵敗于均州。丁丑川賊復入陝，陷兩當，已邠。
陷鳳縣，先是三邊總督洪承疇同撫吳孔、
郎漢中北行至棧道，青橋驛聞州賊數萬營寧
羗，乃返至沔州，援之賊由陽平關過河，奔鞏昌。
承疇追至成縣，見賊勢盛，須監邊兵，乃檄副將
賀人龍、劉成功等兵三千赴藍田夾擊，及兩當。
鳳縣連陷，賊分道一向邊方，一向漢中。知府斷
棧道，守雞頭岡，賊不得前，間道犯城，固洋縣官

兵禦郤之賊走石泉漢陰又別部賊二萬由鳳
縣趨寶鷄汧陽求撫承疇姑慰諭焉時撫治鄭
陽盧象昇總督陳奇瑜以數省兵力萃于楚
賊盡回奔漢中而川巴通江入西鄉者復三二
千名賊盡趨漢中興平而接于商雒癸未賊
復謀入川阻大江入西安之終南五月陝別賊
陷文縣文縣去歲大旱入秋早歲冬無雪
不雨斗米銀七錢延綏西路數年不登賊分部

一路卻延。掠延慶官軍追之賊皆傍終南山竄入商雒羣盜畢集深入大峪嶺。時曾師進之遂東走。綢峪川復入大山。遂竄。已亥賊復出再陷鳳縣漢南招撫之賊一出棧道西陷麟游永壽東陷同安庠子賊走鳳翔西趨汧陽隴州。乙巳洪承疇自漢中西援甘肅。巡撫陝西練國事奏今日最難有五曰缺兵大盜起延綏榆林兵不足轉調甘肅自寧夏甘肅再喪師

今防揔漢尚不足能分以勦賊乎榆林兵止五千陳奇瑜率以勦賊而防秋又當西還則兵愈少二曰缺餉西安鳳翔兵荒所留新餉即使支盡不抵三鎮之用司府無可借餉將安出三曰缺官荒盜頻仍有盜罰戴罪有追賊客死有失城就逮道府且不樂就何況有司今官缺三十餘員何以治民辦賊故缺官宜急補而食利亦宜少減也口宗祿秦俗爲悍貧宗尤甚垂涎服

金漸不可兵曰驛地秦晉驛遞例不全給今募
夫之苦更加十倍故人思適少在國路王
給以安其心洪承疇進師峽山駐三原賊十
餘萬承疇兵僅三千張疑設伏賊從耀州奔同
州時漢中兵三千四百有奇總兵左光先等將
之臨鞏兵三千五百總兵孫顯祖等將之平涼
兵千人副總兵艾萬年將之止可城守總兵張
金昌等兵六十專跡盜所向爲援剿六月丙

寅總督奇瑜卽撫衆昇勒竹山谿各山寇連戰
斬一千七百餘級奇瑜復敗賊于硤石斬七百
餘人潰死五千餘人墮崖死者二千餘人。七
月陝西降盜陷隴州 己丑洪承疇奏言入陝
徭徭之賊大抵可十四五萬明知官軍一二萬
不能四馳持其勢衆苟伏遮進則勦賊之難賊
多精騎每跨雙馬官軍馬三步人則步一佳
賊攻堡掠野到處可資官軍待餉轉運則糧易

之難賊入山負隅官兵相待一日即坐誤一日
則時日之難且請鹽課銀三十萬加冒貨稅
鼓其敵順從之 辛卯賊至鄂州西關藉口奉
督撫檄安插城內守臣知其詐始以門不敢啟
須臾賊上先登三十六人盡殺之總督陳奇瑜
因借為辭劾地方官紳抗債撫局以激上怒命
緹騎逮寶鵬知縣李嘉彥及鳳翔鄉紳孫鵬等
五十除八下刑部獄 叛兵楊國棟擁三千騎

披雙鎧直抵西安城下乞撫巡按范復粹無計
登陴固守巡撫練國事在鄠縣聞之馳還登南
城檄賊至濠畔語一日夜未決度不受撫必西
走鄠盤屋密檄沿途官兵飭備更設伏盤屋之
夾水溝時禾茂泥淖騎不任馳伏發殲其半國
事遣官招之諭殺渠自贖予上賞頃之一賊斬
國棟以獻賊人自疑互戕今人自
山 乙未洪承疇進次華州各賊聞之自朝邑

折而北奔澄城邵陽賊混世王等從鳳翔東
奔云犯西安洪承疇馳一日夜至西安東境官軍以少
兵赴西安合擊賊，賊至西安東境官軍以少
疲未能出承疇恐賊東出潼關先令張全昌曹
變蛟間道走渭華遏其前而自率兵至潼關紅
柳溝追賊游擊李效祖栢永鎮力戰賊卻不能
出關因登山承疇馳赴藍田欲從山後間道勦
之丙午賊覘知官兵意夜走商雒初老回回等

萬餘先踞南碓山中今又益盜萬餘其地山谷
險阻承疇率諸將共兵三千人赴潼關大峪口
截其出仍備關鄉靈寶諸處 總兵尤世威兵
潰于碓南群賊越盧氏犇永寧先是守隘諸兵
霧宿凡三月皆致疫痢不任戰左良玉兵自內
鄉赴援盧氏 慶陽賊南下烽火徹三原涇陽
耀州富平 八月上憂寇詔發人錄其西多丘
千竝赴河南時豫賊衝突禹許長葛間凡十三

營大營在亦牢盧氏約九月向山東誘官軍東
出謀襲汴梁 陝賊復陷隴州 州城流一
將賀八龍等援隴州賊圍之羣賊到處爲合簡
情壯爲前驅收婦女老弱急則用之餌官軍故
諸臣劾稱斬馘報捷賊勢不減 總督奇瑜報
降賊一萬三千有奇斬渠十八餘俱延安民泣
令還鄉先是賊爲洪承疇所逐竄漢中川兵扼
巴西諸險賊饑無所得食故乞降于奇瑜凡數

萬人奇喻專事招撫受其降檄諸軍按甲無動
遣官監護降者諸盜未大創本無降意後以饑
疲困于地險不得逞姑從款以紓我師奇喻檄
所過郡邑為具糗糧傳送之既度棧道已出險
數萬衆漸不受繩束仍事殺掠所至罷市賊遂
盡殺監護官五十員攻陷麟游求壽勢不可遏
矣賊先鋒高傑降于賈人龍人龍年以建武
邵之閏八月乙酉陝賊陷靈臺辛卯陷崇信

白水丙辰陷涇州 河南大旱 壬寅陳奇瑜

至鳳縣時賊益熾北接慶陽西（今）鞏昌（西）七

邠州長安西南則盤屋寶鷄衆殆二十萬始悔

其見愚分兵出禦而兵已寡矣 九月賊二十

餘營西至函谷關東至河陽連屯百餘里別賊

萬餘連營雒南閿鄉 癸亥陝賊陷扶風 庚

午命吳姓巡撫山西 甲戌豫賊東至于蘄水

大隊盡入黃州廣濟 兵部檄河南兵入同華

湖廣兵入商維四川兵入漢中興平山西兵入
韓城蒲州 丁丑陝賊分三部一由鳳縣攻漢
中一出略陽由陽平關入梓潼則州犯蜀一由
寧羗犯廣元 辛巳洪承疇遣副總兵左光先
等援隴州賀八龍圍始解 十月甲寅陝西巡
按傅永淳上言漢南降盜陷城破邑所在騷然
皆由奇瑜嵩主招降謂盜已黃不計道以
詰故郡邑不敢問開門揖盜勦撫兩妨皆奇瑜

之流毒也山西巡撫吳姓言招安流盜最宜慎
重彼狼子野心勢難馴服况邊人窮荒無與
食僅曰免死遂甘心易慮乎哉 癸巳河南盜
掃地王等趨江北自英霍分掠潛山太湖宿松
別部陷陳州靈寶 己酉楚賊自京山間道趨
顯陵明日遁入山中時大寇仍聚秦中老回回
屯武功 辛亥河南賊陷盧氏 上以秦寇猖
獗壬子遽巡撫練國事命卒裔巡撫陝西 官

軍三敗賊于華陽南原之間斬首千二百級

十一月總督奇瑜請各撫鎮分地責成從之時撫局大潰賊氛日熾故有是請欲分委其過也

壬戌江北賊陷英山焚霍山 庚辰削總督

陳奇瑜職聽勘 十二月進洪承疇兵部尚書

總督河南山西陝西湖廣保定真定等處軍務

其總督三邊如故先是西寧被賊領兵時總督

定亂賊遂分陷開隴西寧既定承疇自甘肅旋

師東行賊聞承疇將至悉衆東奔分道盡入河
南集宛雒間左良玉軍通池總入陳水宿
紀軍南陽頗有斬獲而山西防河之戍多逃自
靈丘廣昌徑走五臺陝西鄠陽各處告警賊將
兵東下常德

八年正月丁巳河南賊陷滎陽屠汜水又陷固
始時秦賊數十萬出關分爲三一自陝州上平
陽入晉一自武關鄠襄陽入楚一自盧氏東向

分犯河南北河南北諸盜後分爲三一走伊汝
陷滎汜焚掠無遺東剽及鄭州後分道犯商州
一自葉蔡南圍汝寧一自懷慶東渡河掠歸德
睢汝陳許等州其襄陽賊與汝寧合十五營衆
數十萬並入襄陽境給事中常自裕上言中原
天下安危所係今群盜充斥乃僅以左良玉一
旅塞新滬陳治邦等數營扼汝州陳永福汝寧軍
堵南陽賊勢日衆兵力日分賊二三十萬大小

七十二營蜂屯伊嵩宛雒之間以數千官軍東西堵拒賊何所畏而不長驅哉六更選六統以廉勇之將特選重臣視師庶腹心不致決裂也河南逸賊復入漢中陷寧羗轉入臨鞏

庚申江北賊陷霍丘兵部議調西北邊兵及南兵共七萬二千餉九十三萬六千并發內庫銀二十萬齊赴督臣軍前更命尚書承時統率大兵出關節制諸路撫鎮合力剿除期以六月

掃蕩廓清立頒上賞如仍留餘孽督撫諸臣立
寘重典其進止一聽督臣概不中制承疇率軍
赴河南 陝西賊陷靈臺 河南賊分三道一
趨六安一趨鳳陽一趨潁漢 壬戌陷潁州知
州尹夢鰲通判趙士寬俱闔室死之 丙寅賊
陷鳳陽鳳陽無城郭賊大至官軍無一人迎敵
者遂潰賊焚皇陵樓殿為墟 燬殿三十餘間
守陵太監六十餘人縱高牆罪宗百餘人留守

朱國荃戰斬賊二十七人力竭死渠掃地王太平王入府治知府顧容暄因服獄中賊說曰獲之賊渠張蓋鼓吹坐堂上杖容暄于堂下殺之推官萬文英等六人武官四十一人俱殺士民被殺者數萬剖孕婦注嬰兒于槩燔公私邸舍二萬二千六百五十餘間光燭百里賊渠列幟自稱古元真龍皇帝恣掠三日戊辰太監盧九德總兵楊御蕃以川兵三千救鳳陽南京兵

亦至賊奔以筵蓐于神祠不利刺神像而去
賊拔營南下沿途殺掠無遺趨廬州 丁卯命
洪承疇趣東馳勦寇 甲戌鳳陽賊陷巢縣已
攻舒城知縣章可試塞三門開西門誘賊入陷
于坑奔潰死者千八因掠霍山合肥諸縣是日圍
六合聚穉子百十環木焚之聽其哀號以為笑
樂又裸婦人數千署于城下少頃嫖阻即焚之
攻三日而去 出帑金二十萬助勦餉發太僕

金十萬輸西安其湖廣餉十九萬資鎮筵等兵
鹽課十萬貯淮揚以防寇逸切六部會戶部調
南北主客兵七萬馬一萬五千每兵月銀三分
米一升五合馬日草一束銀二分豆三升銀二
分計五閱月約十一萬金云 戊寅江北賊自
舒城抵廬江邑人具幣求免僞許之夜襲城；
陷已邛陷無為州 洪承疇抵河南河南諸盜
知承疇至又入潼關承疇遣副總兵來亂昌以

千二百人往戍西安令總兵秦英明將來朝間
道向山東趨徐州捍江北逸寇 庚辰江北賊
滿天星張大受等攻相城不利賊渠乘輿繞城
呼降守將射中其腰夜走潛太諸邑諸邑多山
氓習獵射虎豹樂弩窩弓甚設所在結寨殺賊
賊遂西向麻城抵漢口 二月癸未江北賊陷
潛山乙酉陷羅田 命總兵曹本詔剿寇陳許
時湖廣扼賊 仍走太湖攻陷之而河南賊迫

于諸路兵其在南陽者過應隨駐棗陽在汝寧者則入黃州而鳳穎賊入英霍~~黃~~黃一帶擾殆過其在嵩盧靈陝諸寇密邇潼關雒南者又折入秦中約六七萬西安諸縣並遭蹂躪有四大營北渡渭突剽邠耀間其山西寇則在平陽汾州諸縣並野掠而土寇助之 癸未巡按鳳陽御史吳振纓始以皇陵之變疏聞是日上當御經筵特傳免素服避殿親祭告太廟命百官修

省俱素服從事逮巡撫鳳陽都御史楊一鵬并
振纓下獄一鵬論死棄西市振纓遣戍乙未
命侍郎朱大典總督漕運巡撫鳳陽同洪承疇
協勦承疇請四川撫鎮俱移夔門達州進援襄
漢湖廣撫鎮分駐承天襄陽鄖撫移駐鄖襄漕
督移駐潁毫進援汝寧歸德山東撫臣移鎮曹
濮進援江北江南山西撫臣移鎮州進援靈陝
陝西撫臣移商州調度興安漢中河南撫臣移

汝南：陽間保定撫鎮移駐邯鄲磁州可南北
策應從之 三月癸丑湖廣賊寇麻城丙辰
省臣乞蠲陝西八年以上逋租不許 庚申靳
黃大盜爬天王擁衆八百餘入村民擄之身長
八尺自言天亡我非我罪也倡亂十二年陷十
州縣其子目啖人心髮雙目俱赤 先是鳳陽
賊犇靳黃洪承疇次汝寧慮其再入江北令鄧
兒扼之令曹文詒邀之應隨間又總兵賀人龍

劉成功率兵分駐信陽泌陽恐其入豫也 壬戌漢中賊陷寧羗 丙子總兵鄧玘爲叛卒殺于樊城玘無紀律所將蜀兵好淫掠俄騎營畔玘避棲墜火死舉營北竄惟步卒未動洪承疇命副總兵賈一選周繼元分領之 是月給事中常自裕言皇上赫然振怒調兵七萬其實不過五萬且分之各處未足遏賊 陽焚劫四日而馬嶺至歸德圍解三日而鄧玘來潁亳安廬

之賊返旆而北尤世威等信尚杳然至賀人龍
等各處遙掠所謂賊梳而軍櫛也唯皇上嚴飭
之以信軍法四月乙酉承疇次汝州以各寇
之復入秦也率諸將自汝入秦檄曹文詒以師
會丙午承疇次靈寶文詒自南陽至以商雒爲
賊藪漢中興平其寄境也令文詒出關鄉直擣
商雒自馳興安遏其奔軼五月甲寅曹文詒
夜至五峪寇伏險以誘文詒擊敗之張全昌自

咸陽出興平之東老回回等拒官兵營五十里
賀人龍南入子午谷奪其南徑劉成功及游擊
王永祥往東南過其北走夜渡河走郿縣承疇
亦渡河追之丙辰至王渠鎮寇方下南山恣掠
賀人龍遠擊走之追至大泥峪寇舍騎登山下
已官兵至郿縣之秦王嶺值寇張全昌擊敗之
自是商雒之寇逃終南山中餘寇西奔興平蓋
冬春之間寇奔豫奔楚奔江北其勢多而且散

至是寇又悉萃于秦矣 六月壬午下河南巡撫玄默于獄丁酉免陝西巡撫喬官議罪以庸懦玩寇也以甘學濶巡撫陝西 乙酉秦賊搖天動襲陷西和 丙子總兵曹文詒至安羅寨寇大至力竭自刎文詒敢闕前後殺賊萬計爲賊所畏官軍聞之奪氣 秦賊在晉者巡撫吳姓會兵逐之走河南惟顯道神活地草鄉里八三營留晉姓方謀合兵勦滅會西人入塞款

兵防河賊復熾 七月癸亥秦賊陷澄城八月

壬午陷咸陽 丁酉商維寇復入河南犯盧氏

癸卯命湖廣巡撫盧象昇總理直隸河南山

東四川等處軍務統關遼兵賜尚方劍便宜行

事肅制中原洪承疇勦寇西北象昇勦寇東南

如寇入秦象昇進兵合擊 十月壬辰老回回

襲陷陝州 乙巳上下詔罪已己巳居武英殿減

膳徹樂除典禮外惟以青衣從事以示與行間

文武士卒甘苦相同之意 先是賊翻山錫降

于承疇賊首闔王退屯乾州承疇令降賊翻山

錫說之不聽南走武功承疇追擊敗之闔王率

大隊自藍屋武功分道渡河 十一月辛酉河

南賊焚關廂而西老回回犯南鄭 秦賊一字

王等部衆二十萬據天王統十七萬自潼關出

化關鄉靈寶大隊東行塵埃漲天濶四十里絡

繹百里老弱居中精騎居外左丞王與總兵祖

寬兩軍相隔東西七十里遙望少頭不敢邀擊
賊抄掠諸路截燒糧草諸軍乏食秦賊屯于鹿
州綿亘百里已未祖寬破賊整齊王于九嵩
賊潰而為二東走偃鰲南走汝州丙辰羣賊大
會于龍門白沙連營六十里祖寬分兵襲擊之
斬首千餘級羣賊敗竄東南犇光固入霍丘進
逼颯陽淮督米九典率兵馳赴颯陽十二月乙
酉賊聞王曹操數十萬圍光州昇大礮二十座

攻城然二礮城拉然崩頽城中頃刻火作賊乘而入官吏士民屠戮無遺

漢

公

羣賊會于漢

南戊戌雅黎黎將羅于萃連擊敗之窮追賊于千午谷奪其所掠子女二千口賊奔饒風關

庚子江北賊陷巢縣含山遂襲臨和州

九年正月丁未總理盧象昇師次于鳳陽諸道兵畢會壬子闖王關塌天八大王搖天動七

賊連營數十萬攻滁州環山為營包絡原隰百

餘里行太僕寺卿李覺斯知州劉太華督率士
民固守賊雲梯衝窺穴地填濠百道環攻城頭
火輪巨礮相續發旬轟毀諸山出賊不意縱將
士奪其雲梯燔之賊斃者衆歛兵稍退夜復進
攻掘爲堦河洩濠以潤之賊騎黑牛渡河城上
連礮擊之賊死益衆 癸丑賊退掠邨落山谷
婦女數百人裸而當湍之已盡 其頭孕者則
剝其腹環燬堦堦植其跗而倒埋之露其下私血

穢淋漓以厭諸礮守城兵多掩面不忍視賊噪
呼向城，上燃礮，皆迸裂或言不鳴城中惶
懼覺斯立命取民間團輪亦數百枚如其效懸
堞外嚮以厭勝之燃礮皆發賊復大創賊怒攻
益急 甲寅盧象昇合諸道兵馳援滁州祖寬
以關遠勁卒為前鋒象昇以火攻三營為後勁
躬率麾下三百騎居中督戰昧爽至城下賊以
雲梯魚麗向薄攻城已墮西北兩關羊馬牆賊

多室營出掠塵起大兵至賊不虞也祖寬躍馬而進賊羣起接戰諸將並至戰于城東五里橋官軍踴躍爭奮賊大潰衆昇麾諸軍追之逐北五十里積屍相撐枕獲其器械甚衆斬級一千二百朱大典遣副將楊世恩復截之于定遠斬六百餘級其東犇者劉良佐扼之于廣武賊遂西竄池河乙卯賊自池河別竄東岡守禦劉光輝等以五百人守東岡賊萬衆並至孫軍格

關克輝等力竭赴水死一軍皆沒賊襲其甲裳
旂幟渡河守者不覺也既畢渡然乃奪路而走
江浦提督總兵杜弘域自浦口馳追之不及

丙辰滁州潰奔諸賊西向鳳陽犯園陵漕撫朱
大典總兵楊御蕃列營陵壻守甚嚴賊不敢攻
遂西渡河焚抄懷遠 丁巳棗陽土賊廖三袁
世儒李玉石以牛酒迎河南大賊張樂高譙連
夥入營 癸亥江北賊紫微星陷懷遠甲子朱

大典兵至懷遠賊焚廬舍北渡己丑陷靈璧進
逼泗州 副將祖大樂敗賊于永城斬賊首混
天王奪驢馬萬頭 鄭襄賊焚穀城士民空城
走 戊辰江北賊陷蕭縣 己巳陝西賊陷麟
遊 滁陽敗北之賊祖大樂再破之于永城精
銳散亡大丰東奔宿州突入沛縣焚僂婦豎不
遺盡掠丁壯入營中 壬申河南別賊陷閭鄉
給事中常自裕上言流寇數十萬彘強無過

關王彼多番漢降丁堅甲鐵騎洪承疇盧象昇
即日報斬獲不過別營小隊耳一關勢曾無損
也今秦賊在宜君郿州不過關將當責成秦撫
豫賊在河南汝州者止老回回數賊當專責豫
撫而督理兩臣宜令嵩圖關王在承疇以王承
恩孫顯祖等邊兵川兵二萬出關由汝魯疾趨
光固遏其後在象昇以祖大樂祖寬等關兵望
兵二萬由息潁奔英六截其前淮撫朱大典提

督楊御蕃等屯于廬霍防其東。又應撫張國維
以許自強等屯于潁太防其入。安慶楚撫王夢
尹以秦翼明等屯于麻黃防其南。衝唐鄧隨衆
之間則責鄖撫宋祖舜若獵獸合圍則賊自無
所逃。賊渠殲而餘賊自成破竹矣。閩王合掃
地王紫金梁等二十四營攻徐州不克遂兩陷
虞城入河南一守王曹操掃地王五營由歸德
趨開封至石家樓辛未祖大樂潛師歸德截其

前分兵設伏而以輕兵誘之遇賊于雪園既戰
官軍佯敗賊爭先馳逐大樂鳴鼓舉麾東西兩
翼突出攻賊，驚大亂官兵三面奮擊斬首一
千四百餘級 鄆襄賊分爲二一往均州一入
四川 乙亥羣賊大會于蘭陽盧象昇駐師壽
春 二月丙子賊陷潛山己卯陷太湖 鄆襄
賊犯竹山竹山自崇禎七年爲賊屠陷八年十
月初縣黃應鵬僅棲草舍數椽王是賊復至應

鵬棄城走賊遂入據城有徵糧六百石盡為賊
有食盡焚縣治而去為空城矣 山西饑人相
食 甘肅總兵柳紹宗敗賊過天星于西寧州
過天星合九條龍等八營西掠蘭河南擾會寧
洪承疇檄左先與紹宗合兵擊之絕其西奔
賊復自萬安走鹽池兩軍力戰破之賊窮蹙請
降陝西巡撫甘學淵受其降安車其部數萬人
于延安尋延河劫掠如故 三月丙午山西賊

陷和順 兵部奏賊在秦豫山中聞其向來糧
餉多由浙川水運以通荆襄賈賊可艘而致之
宜遣將往浙川斷寇報可 丁未賊九條龍張
胖子從南漳柳池陷穀城官山逼保康二千里
焚掠靡遺庚戌陷竹溪房山知保康城空不入
總理盧象昇率諸將追賊至穀城丁巳賊走鄖
州官軍三道並進大霧賊迷道不知兵至倉猝
接戰奔山官軍逐之賊顛而墜者無算殺賊將

黑熊神飛山虎追奔數十里屍填溝壑時河南
巡撫亦討內鄉浙川餘寇祖寬李重鎮兵由荆
門達荊州防其奔軼會秦翼明楊世臣等搜山
祖大樂由光鄧夾擊江北賊略盡河南賊少大
寇俱遁秦楚萬山之中衆昇言秦豫楚大山綿
亘千里賊出沒無端若奮勦窮追何地可歇尼
崇岡峻嶺密菁深林板木懸崖日行三四十里
馬不能進人苦于登此時折色銀無所用本色

糧無從運車驢無所施勢必以人負米二斗隨
兵來往日食一升一供兵一自貲十日而二斗
之糧盡毋論此十日內遇賊勝負而以千兵入
須千人肩運萬兵入須萬人肩運即賊不出而
俱歸于盡矣 唐王韋健奏南陽存饑有母烹
其女者 癸亥陝西巡撫甘學濶削籍聽勘以
孫傳庭代之 乙丑賊闖王燭子塊自興安入
漢中 甲戌撫治鄖陽宋祖舜削籍以追寇失

利亡其符印 四月以苗匪土撫治鄭陽 免
上津等十五州縣田租 辛丑總理盧象昇會
師次于洛陽 五月癸丑下詔大赦山陝脇從
羣盜令地方多方安插以消反側違者重治之
是月陝賊過天星復叛于延安謀渡河入山
西李自成老回、混十萬等數部自楚豫入商
南雖南大嶺 總兵秦翼明擊賊南漳山中敗
之 總兵俞冲霄擊賊安定恃捷輕進敗沒

命職方員外郎包鳳起責詔招撫群盜 六月
乙酉洪承疇上言秦中兵今實數共騎步一萬
三千有奇見選川兵五千有奇俱步卒專藍田
商維等處堵剿秦豫接界之寇先是關將李自
成衆約三四萬混天王衆約二萬過天星滿天
星衆約二三萬歷次勦散混天王逃延綏定邊
勢孤復合關將過天星滿天星等今奔延綏等
處猶可督責收拾關塌天關王蝎子塊俱出鄖

襄已薨興安漢中進則入三秦還可犯楚豫亟
宜合兵湊餉力圖協勦 七月癸丑陝西賊陷
成縣 壬戌巡撫陝西孫傳庭擊賊于盤屋大
破之擒賊首閻王高迎祥及劉哲等獻俘闕下
磔于市蝎子塊走河西 八月庚辰老回、焚
隔封西關時羣盜出沒豫楚間屢剽散而復合
九月京師戒嚴命總理盧象昇總督各鎮兵
入援癸亥改象昇總督宣大山西軍務初象昇

方追賊至鄆西聞警以師入衛遂有改督之命
時聞王已誅蝎子塊已爲象昇追逐入秦河南
少寧自群盜擾河南北者三年夾河千里鷄犬
無聲關市盡空荒村深谷殘黎多夜伏豐草深
林中採野穗以食田壠間亂水枵槎皆成拱矣
虎狼千百成群豈非入境賊既無可掠而象昇
合大軍于中原羅而蹙之羣盜盡入楚疆悉銳
以相持及是象昇既以關連之兵北去老回回

等盤踞鄆襄間休糧息馬秋高足食乃以全軍
合曹操闖塌天諸賊共二十萬沿江長驅而下
蘄黃六合懷寧望江：浦所在告警烽火及于
儀揚矣壬戌寇至尉氏甲子至登封至汝南
于是寇復入河南矣己巳以兵部侍郎王家
貞巡撫河南總理直隸川湖山陝軍務十月
甲申河南賊陷襄城漢南賊陷襄城十二
月以鄆襄賊逞罷撫治都御史苗昨土以陳良

訓代之

十年正月丙午老回回等趨桐城 丁未總兵

索~~漢~~明逐賊于麻城黃岡間敗之老回回所部

整齊王八大王九營潰而爲四一支走羅田一

支走田風鎮一支向蘄水一支趨岐亭聞塌天

等諸賊分兩路至江北一自桐城犯廬江舒城

一由光固踰霍山六合東行各分爲數十股分

擾江北戊午淮撫朱大典馳赴之時諸賊混天

星侵軼商洛李自成縱橫西安過天星盤踞沂
隴獨行狼在漢南蝎子塊在河西與西番合謀
其餘楚賊盡在江北而豫賊亦自光固而南會
之應天巡撫張國維駐師京口沿江戒嚴甲子
別賊自賴毫趨滁州營火夜燭數十里羣賊會
入至池河禮懣于大山寺薦拔亡者遂分屯大
江小江皇甫常山諸山儀真六合人民俱倚擔
而立二月左良玉大破賊于舒城六安連戰

三捷秦翼明敗閩塌天于細石嶺擒賊首一條
葱新來虎賊至英山分營山險代竹爲筏謀渡
江潛竄大山中張國維檄左良玉入_山搜捕良玉
新立功驕蹇不奉調發憚入山險屯于舒城逾
月擁降丁萬人軍中婦孺數千爲營環數千里
所至焚劫壯丁衣緋橫行邛集爲虛國維三檄
之始自舒城進發賊已飽掠出境山西總兵王
忠以兵援河南稱病數月不進一軍噪而西歸

給事中凌義渠劾之詔逮王忠八都革良玉職
殺賊自贖 乙酉命陝西巡撫孫傳庭兼總理
河南 閏四月壬寅以熊文燦為兵部尚書兼
副都御史總理直隸山陝川湖軍務督勦流寇
時文燦新平閭寇有威望故有是命 大旱

年盜盤踞江北老回回等八營謀避暑六安乃
散入潛山太湖諸嶺蔭林樾以息馬時出抄略
因分屯醉石嶺諸路離安慶四十里而軍 河

南巡撫陳必謙罷以常道立代之 廷議大發

兵計臣苦于無餉兵部尚書楊嗣昌建議因改
糧為均輸以濟軍食因加賦二萬兩下詔有暫
累吾民一年除此腹心大患等語 五月鄭襄

賊犯荊州焚荆王墳園 七月以大可法為右

僉都御史巡撫安廬池泰等處軍務時以寇患

故創設 丁亥江北賊陷六合遂圍天長 八

月戊申賊突入鳳陽掠械器而出渡河分往河

南泗州 十月陝賊過天星同李自成入蜀混
天王蝎子塊隨之川兵大敗混蝎賊于廣元斬
首千級 十一月庚寅兵部尚書楊嗣昌請限
勦寇之期令秦撫斷商南雒南鄭撫斷鄖西楚
撫斷常德黃州安慶撫斷英六鳳撫斷潁毫應
撫截潛山太和江西撫截黃梅廣濟東撫截徐
宿昔撫截陝州靈寶保定撫扼度延津一帶總
理熊文燦提邊兵太監劉元斌提禁旅豫撫率

左良玉陳永福等兵合勦中原從之 癸巳江北賊陷靈璧 十二月禁軍大集于襄陽賊盡走鄭西 乙巳以戴東旻為都御史撫治鄭陽命洪承疇合孫傳庭并剿河南寇

十一年正月總兵左良玉陳洪範大破賊于鄭西 二月巡按河南御史張任學改都督僉事總兵官鎮守河南任學欲薦故丹徒縣知縣張放極詆諸總兵不足恃盛稱文吏原有奇才可

以禦寇故有是命 三月戶部主事張緒彥言
臣任清澗知縣于兵情賊勢親見有素益賊之
得勢在流而賊之失勢在止賊之長技在分而
賊之窮技在合賊之乘時在秋夏而賊之失時
在冬春昔大賊王嘉胤破河曲據其城曹文詔
身奪門砍殺而嘉胤殲李老柴破中都據其城
巡撫練國事督兵攻圍而老柴擒神一元破寧
塞據其城左光先等與戰而一元死譚雄破安

塞據其城王承恩等攻圍而譚雄誅此皆守而
不去之賊故速死也過天星老回、混十萬等
所破城邑無算官軍未至旋即奔逸此皆流而
不居之賊故緩死也賊入晉豫分頭成部自秦
及汝雒以至江北無處不被賊豈賊真有數十
百萬益分股以披其黨牽掣我兵故見多也前
總督陳奇瑜驅天下之賊盡入漢中出棧道關
正可一鼓而滅乃以招安致敗不可復收古人

以八日而平賊數萬者利其合也夏秋之間芻糧盡在場圃足供士馬之資冬春非破城攻堡不能得食官兵促之則尤易故時有利有不利也今若欲破賊惟在亂其所長而使之短破其所得而使之失直截以攻之分番兩軍一追一與賊當之必破矣賊黨雖衆大都觀望其先倡者不過一二支故盡一股則論賞不必事平彙叙縱一股則論罰不許報級塞責賊不望風而

靡未之有也上是之 四月丙申奪總督洪承
疇尚書爵仍以侍郎總督總兵左光先曹變蛟
並奪五級限五月盡賊 六月逮湖廣巡撫余
應桂以方孔炤代之 八月總督洪承疇報陝
西賊勦降畧盡命出關向河南湖廣 癸卯江
北賊陷睢寧 曹操會群盜過天星托天王十
反王整齊王小秦王混世王整十萬輩里眼于
陝州遂南走內鄉浙川犯襄陽 九月庚申熊

文燦次于襄陽甲子遣副將龍在田邀擊華里
眼射塌天于雙溝大破之老回等俱東奔棗
陽諸軍追逐數十里斬首六千級奪其牛馬騾
萬頭群盜披靡四逸曹操獨留內淅山中勢孤
守險自保文燦檄良玉洪範進兵淅川招安群
盜十月京師戒嚴召孫傳庭于陝西召洪承
疇于三邊于是承疇傳庭率諸將合兵五萬先
後出潼關入援曹操聞之謂為勦已也率九營

從鄆陽淺渚亂流而涉震走均州叩太和山提督太監李維政乞撫維政爲言于文燦文燦乃嚴止諸軍曹操九營俱就撫文燦上言請貸其罪令諸將宴曹操于迎恩官署授操爲游擊將軍供億甚備曹操名羅汝才庚戌以丁啓睿爲都御史巡撫陝西羅汝才既撫分屯羣賊于房竹保障四邑自言不願受署爲官并不願食餉願爲百姓耕田此中而已文燦一切爲羈

糜撥汝才解散賜從諸衆簡驍壯從征立功汝才不聽因與鄖均諸邑居民分地錯壤而居時張獻忠亦就撫屯穀城汝才遙與爲聲援撫治鄖陽戴東星奏曰曹操過天星十數大寇近以理臣襄陽之捷回華東逸曹操就撫分插其衆于鄖均諸邑不從解散之令且曰願爲百姓耕田此目前盜鈴之說耳張獻忠入據穀城屢檄不前將俟民間田熟分其夏秋之糧稍不遂

意干戈遂起荆襄重地今數省大寇環聚二三百里羽翼已成將有不可言者然各賊盡聚鄆之四面合圍有釜魚奔獸之勢以理臣各鎮現在兵馬再令督臣發秦兵由興安馳赴協同掃蕩渠魁授首脅從盡散此實蕩平之機也 十
二月改洪承疇薊遼總督孫傳庭保定總督傅庭以失聰辭上不許尋逮傳庭繫獄

十二年正月癸未巡撫河南常道立削藉以縱

寇渡河也以李仙風代之 二月左良五大破

河南賊飛虎劉國能于許州國能降 老回

既東奔請降于監軍孔貞會未決革裡眼射塌

天等東走合于混十萬分掠信陽光山 三月

羣盜集于固始東北阻河，上之兵嚴守不得

渡群盜乃趨六安息馬茶山以避夏 庚午逮

河南總兵張任學 左良五大敗河南賊于內

鄉上聞其步兵淫掠責之 四月戊子撫治鄭

陽戴東旻免以王鰲永代之 辛卯尤良玉再

破射塌天老回回改世王于河南之鎮城射塌

天乞撫連營百里奪民二麥以自給良玉遣人

諭止之不聽 戊申良玉率副將陳永福金聲

桓會兵壓賊壘賊倉卒接戰諸大軍擊之斬首

二千七百賊退保山險良玉遣降將劉國能招

之 庚戌射塌天李萬慶率其衆四千解甲詣

內鄉城下降于良玉良玉言于文燦文燦署國

能爲守備其黨散去七千餘人賊渡淮走光山
或走黃州境革裹眼走商城 六月張獻忠復
叛于穀城羅汝才九營並起應之七月二賊合
于房縣左良玉追及之大敗而還良玉失其符
印事聞革文燦任仍視事降良玉職戴罪殺賊
安慶巡撫史可法以憂歸 初文燦與大學
士楊嗣昌深相結納嗣昌冀文燦成功以結上
知文燦既僨嗣昌內不自安請督師南討上甚

慰勞之 八月壬戌命大學士嗣昌以兵部尚
書督師討賊賜尚方劍并督師輔臣銀印給帑
金四萬賞功牌千五百蟒紵緋絹各五百 九
月丁卯嗣昌陛辭上宴于平臺後殿上手觴嗣
昌三爵賜詩勒詩于各文廟嗣昌南征會兵十
萬本折色銀二百餘萬兩 十月嗣昌至襄陽
入熊文燦軍中詔逮文燦入京論死素西市
丙子拜左良玉爲平賊將軍良玉所部多降將

嗣昌謂可倚以辦賊爲請于上故有是命 老
回：革裡眼左金王南營四股合二萬人分屯
英霍潛太諸山寨突犯安慶桐城諸路總將黃
得功川將杜先春屢戰却賊，每避兩軍賊多
購斷黃人爲間或攜樂囊著蔡爲醫卜或談青
烏姑布星家言或緇流黃冠或爲乞丐戲術分
布江皖諸境覘虛實時，突出焚掠相持逾年
毒流四境 是年兩京河南山東山西旱饑

十三年正月乙丑逮湖廣巡撫方孔照命宋一鶴代之 閏正月督師嗣昌奏辟永州推官萬元吉爲軍前監紀從之 二月甲子給楊嗣昌萬金賜斗牛服又賜海驢馬一棗驢馬一金鞍二嗣昌駐襄陽調兵會勦以陝西興安一路失期斬其監軍殷太白 辛未羅汝才掠信陽尋陷光州 三月丙申嗣昌次荊門立大勦營以新募湖南殺手二千八隸之更以戲下騎兵爲

上將營新撫降丁皆隸焉以副將猛如虎將之
四月罷鄭撫王鰲永以表繼成代之 五月

羅汝才過天星七股盡入蜀監軍萬元吉扼夔
門 癸未賊陷大昌犯夔州石砬女帥秦良玉
發兵援夔州萬元吉與合兵以舟師由巫山上
三峽賊十三哨過夔門魚貫而進羅汝才爲殿
官軍遙望不敢擊賊循河而行欲渡川西元吉
左良玉川撫邵捷春俱會于夔州副將賀人龍

所將陝兵驍勇善戰而多擁降丁思得總兵號
名以統轄之捷春爲請于嗣昌初嗣昌以良玉
兵強足破賊表佩平賊將軍印良玉進止多不
從節度嗣昌乃密疏于朝請以八龍易之後不
果八龍始怨羅過諸賊自夔州山後抄掠官
軍分扼諸隘賊掠無所得副將羅于革擊過天
星于鄭家寨敗之過天星以百騎走羣盜既困
謀奪尖山西走四川總兵鄭嘉棟湖廣副將張

應元汪雲鳳會陝西副將賀八龍李國奇之師
赴之賊以奇兵攻尖山寨八龍等諸軍奮呼齊
進入賊陣斷賊爲二賊皆騎陷泥淖不得馳川
兵跳澗谷類猿猱賊潰自相騰踐斬首七百餘
生擒自來虎等七十一人奪甲仗馬騾無算賊
退屯羊橋岡出抄掠石砦兵邀之于馬家寨復
斬首七百又追破之留馬堽斬賊首東山虎
廖子賊屯譚家坪南北兩山、頭張幕魚鱗相

掩疊諸分道並進南山賊拔寨起先走北山賊
馳而下逆擊官軍諸軍薄之賊不能當退守山
巔不動官軍仍分兵疾走繞山後前後齊登賊
披靡竄走澗谷諸將皆下馬入叟草履一量緣
山逐賊自龍溪追奔四十里斬首千一百餘級
賊走營仙寺嶺癸卯諸將會於楚蜀兵擊賊于
嶺上諸軍雲合賊營大亂斬首千級秦兵奪羅
汝才大旗擒其老管隊副塌天賊突圍遁走七

笥坎入于乾溪 丙午羅過諸賊犯夔州下關
城羅汝才老而滑多機詐遇天星多擁徒衆二
賊以智力相倚至是屢戰不利謀歸楚以瞿塘
水漲不得渡反走下關城巡撫捷春檄總兵嘉
棟副將應元雲屬以楚兵自夔州出雲陽邀其
前監軍元吉督八龍等將秦師間道疾走尖山
以截之夔府山溪險隘七賊連營數萬林樾不
能勝營帳酷暑炎歊毒人馬矢重達數十里蚊

蚋嗜草間人馬俱病羅過分道而行汝才率小
秦王上天王混世王一連駕五營走雲陽尖山
霸過天星關索二營走雲陽水碓口期同會于
開軍戊申八龍箐追賊至七箐坎賊簡其銳爲
殿以批官軍潛以老營先走八龍擊破殿後兵
長驅擣其中堅賊逾山人龍亦逾山夜抵馬溺
溪壑城壘而軍是月江北賊陷羅田黃梅
貢士吳卿上言流賊肆毒姦宄出沒尤善偵走

如官軍在汝穎襄德彼奪鳳陽臨淮一日一夜兼程行數百里光州固始爲吳楚往來之要地宜設一道臣于此；亦扼吭之計也然賊分則寡合則衆晝則賊騎相顧夜則賊營遠哨且賊日馳二百里酤酒耽色渴睡不醒若將卒勇敢卸枚夜襲賊不能覺也今兵不殺賊反以仇民窮鄉男婦匿林逃難割首獻功以愚主將主將以愚監紀監紀不知遂奏其功此弊踵行久矣

所當痛懲者也 六月辛亥昧爽賀人龍等諸將薄賊營賊奔已疲秦師三道俱進大噪騰而上賊驚潰秦蜀軍爭逐之斬首千二百俘六百人赦其俘一捍鎗自來虎伍林三人隸爲軍鋒壬子秦軍躡賊而前度賊必設伏以邀我遣都司李仲興高光勸輕騎先往人龍國奇潛以大兵繼之二將已入隘賊伏起兩山間圍之數重二將戰方酣人龍國奇麾兵並進噪而揚塵

聲動山谷園中奮呼以應之賊圍開四潰斬首
五百餘級生擒賊渠掠山虎十六人羅汝才精
騎二千餘二日之內俘其部曲四十人斬馘無
算精銳殆盡狼藉東走與四營合保其婦孥共
萬人走大軍之小鎮諸將扼之于夔東已邛過
天星關索走開縣屯南霸知羅汝才東竄而楚
蜀兵漸逼因北走丁巳鄭嘉棟率諸將連營躡
賊及之于觀音山逐北二十里至于臨江斬首

二百餘張應元窮追至竇山遇賊百餘騎擊殺
二十騎餘騎皆大呼釋甲渠托天王常國安請
降應元止兵裂帛作書令國安所部抓地虎馳
諭過天星過天星曰必托天王身至為信乃降
也抓地虎反命康申賊首高守達率麾下二百
騎來奔過天星逐之邀止百餘騎來者七十五
騎皆闕西健兒常為楚師軍鋒辛酉過天星西
走諸軍拔營逐之至新寧西關外賊騎三千不

戰而走高守達率其健兒當先陷陣賊陣亂馬
竄永中泥驚蹊相騰踐官軍俄而射之追奔二
十里血流稻畦泥徧赤酷日炎赫刀甲皆生烟
諸軍以泥滑不得馳歛兵壁于風烈鋪諸軍共
獲首千七百餘級擒賊首流金鍾金狗兒奪馬
騾三百過關二賊東奔達州張應元等進逼之
丁卯常國安前驅遇賊川楚兵並進斬首二百
餘奪其營賊奔衣壩驛設伏溝澗中營火出林

間如星者二十里明日應元等前驅搏戰令常
國安高守達繞谷中擣其脇賊伏發戰方接國
安突出四圍奮呼賊驚墜山澗共斬首九百獲
甲仗弓矢無算生擒滾地狼等一十七人降其
管隊可天虎等四十八庚午賊自袁壩東奔開
縣至高城諸將分營出戰嘉棟將中軍副將羅
子草將左軍降將楊旭一隻虎將右軍戰于城
下賊敗走大昌 七月羅汝才小秦王上天王

混世王一連驚連營路入寧監軍元吉在夢道
守備劉正國及羅營降丁伍林入其營招之汝
才疑以香油坪之役殺我楊羅二將或不赦攜
正國東走數言詣喬陵乞撫于督師先是汝才
與金翅鵬不相能金翅鵬常懼爲所并至是小
秦王金翅鵬相率降于嗣昌汝才殺伍林劉國
正東走巫山左良玉兵分屯興房二竹間汝才
屢敗黨羽多降勢益孤而張獻忠時在巴巫與

良王相持謀西走汝才遂合于獻忠謀渡川西
走過天星素與獻忠有却前有新軍諸將招
之過天星對常安圖曰作賊非本懷諸將驟攻之
狼狽東走聞羅張既合益懷不拉立之勢決計
歸命左良王乘勝移師擊之過天星惠登相乞
降嗣昌令良王撫其衆七千人簡其精銳隸良
王軍中安其老弱于郾西以降將掃地王李靖
王隸監軍元吉登相清潤人八月癸丑元吉

之降丁入羅汝才營嗣昌復命降將金翅鵬所
部飛上天入其營招之汝才遂巡未決時張羅
新合獻忠慰汝才之再降也日說汝才母為官
軍所獲且曰閣部已俘過天星閣下笑元吉請
檄左良玉携惠登相至陳前招汝才汝才必聽
嗣昌不從汝才降意遂絕 饑民復相煽為盜
嘯聚太行山所在譟起應之 江北賊革裏眼
左金王突霍太間上命太監劉元斌監禁軍

六千馳赴河南江北合皖豫兵討之禁軍擊破
賊于霍山賊竄走尋陷麻城黃梅是月發倉
賑河東帑金三萬賑真定山東河南饑民給
事中戴明說上言荒極盜起蠹動疊告畿輔淮
陽陝西中州所在不一皆緣撫按有司素不休
養饑荒不卹招徠無策迨盜起議勦死于鋒鏑
者此百姓也今乞責成撫按諸臣以卹荒弭盜
為第一事上是之九月上諭河南巡撫誅勦

以平賊為功不必屢報捷級無裨掃蕩 丁亥
河南邙縣盜李際遇申請邦任辰張鼎衆至五
萬總兵王繼禹遣游擊高謙擊之一日三捷斬
二千餘級追至尉氏 己丑嗣昌屯巫山先是
關索敗伏深箐中間遇天星降益懼嗣昌遣人
招之關索見諸降將効力軍前遂來歸與其黨
王光恩謁嗣昌于巫山舟次率其副楊光甫等
數人頓首涕泣請宥罪嗣昌撫慰之給以銀幣

光恩延安人光甫鄖陽人所部六千殺傷散亡
已去其半存者三千乃簡其精銳赴軍前殺賊
羅汝才之入川也凡九戰整十萬掃地王小秦
王金翅鵬托天王過天星關索惟汝才合于獻
忠其八相繼俱降矣嗣昌飛章以聞叙賚文武
將吏有差回左軍諸賊走英霍逼鳳陽是
月秦師大破賊于函谷斬首數千誅蝎子塊餘
賊分竄延安慶陽十月嗣昌在夔州令楚將

王元成楊文富自己正趨當陽東勒回韋錫
楚撫軍宗一鶴赴新黃協勦命諸將分屯襄鄖
承天諸扼要降將掃地王張一川擊獻賊于
梓潼陷陳被擒賊易之監軍元吉命卹其妻子
于彘陵十一月陞陝撫丁啟睿總督陝西三
邊山西河南軍務河南巡撫李仙風率諸將
高謙李建武擊河北賊于菜園斬首一千三百
餘級十二月楚豫皖兵大集回韋懼而乞招

撫丙辰監軍員外郎楊卓然入二賊營議之

是冬閩賊困于嶠函竭于塊既死羣賊滿天星

張妙干邢家米及閩賊部將大天王鎮天王一

條龍小紅狼九梁星相繼請降閩賊潰圍而出

是年兩京山東河南山西陝西浙江大旱蝗

至冬大饑人相食草木俱盡道殣相望河南土

寇並起自真定至河上道路梗塞開州人衆時

中聚衆數萬破開州時壽州賊有索老山一營

時中自號小朱營以別之諸賊各有衆數萬惟
時中嚴禁群賊相繼敗死時中走河南

十四年正月甲辰山東土賊李廷實李鼎鉉陷
高唐州時山東盜起東平東阿張秋肥城所在
皆賊兗州二十州縣一時嘯聚響應惟濟寧滋
陽無盜京畿道梗省直餉銀數百萬俱阻于兗
州東平州吏胥倡亂迎賊入城據之巡撫王國
賓發六道官兵防兗州檄總兵劉澤清擊破東

平賊復其城 河南土賊艾一候二候四嘯聚
數千人封丘知縣蘇茂相擊破之 二月丁卯
河南土賊陷新野 張獻忠羅汝才俱自川入
楚惟搖天動留川東萬元吉留秦蜀兵千八百
屯白帝神女之間絕其入楚路 戊午河南土
寇寇罐子一丰殺諸盜盡歸于李自成令攻開
封 山東土賊留東阿汶上時東寇益熾徐德
數千里白骨縱橫又旱荒大饑民父子相食行

人斷絕 華元諸賊因張羅遠竄豫皖之兵四
集急而歸款楊卓然議捕之潛太間二盜竄無
降意借款以緩師而公行肆掠卓然每左右之
以塞八責及閭獻陷襄碓華元遂承機獲熾倚
山剽攻詔朱大典進總督節制諸路鎮撫兵進
英霍以討之 己丑魯王揭金數萬募兵于山
東以防盜 丙寅河南土賊孟三陷河陰據之
游擊高謙攻圍七晝夜拔之斬孟三 三月華

山東巡撫王國寶職命楊御蕃劉澤清會兵剿
曹濮賊 是春招安內丘山西餘寇 革左賊

王營聞獻忠東來走麻城以勾之湖廣巡撫宋
一鶴聞之渡江進兵屯蘄州擒賊謀焚身斷渡

五月設徐臨通津四鎮以護漕以東寇熾故

也 河南土寇袁時中聚衆至二十萬入江北

窺鳳泗自宿毫入蒙城土礦羣盜蟻附之丁丑

朱大典率諸軍擊敗之率衆保險潛棄牲畜宵

適丁酉總兵劉良佐簡驍騎自義門追擊五十
里賊竄逸深林良佐分輕兵追捕明日及賊大
隊賊方扼險拒守官軍以火炮奮擊之賊大奔
自義門至界溝二百里尸撐交橫棄仗滿阡陌
賊或自經林間或自刎餘或降或逸去二十萬
衆鳥獸散時中以繫百騎宵遁北渡河走入河
南所獲杖甲弓矢山積 泰安土寇十餘萬掠
寧陽曲阜兗州所至燔屋廬掠婦女賊蒙婦女

以甲冑執刀仗僞爲男子守營賊則四出焚掠
聞青州兵至遂走邳州焚其南郭至沙溝屠慘
嬰穉不遺 庚子犯徐州北關焚之抄劫至楊
州南沙河店燬漕船十六艘後東北行入東平
州豐縣土寇十餘萬圍縣城徐州賊合之攻城
愈急東平賊首李青山屯于梁山 六月兩京
山東河南浙江旱蝗多饑盜 庚戌革左諸賊
陷宿松英山朱大典駐師壽州造長槍三千長

丈二尺身銳三千大閱諸軍數萬人刻期入山
搜剿賊方分掠諸縣聞之盡合營屯潛山 七
月庚辰革左陷潛山遂圍麻城督師丁啟睿大
破賊于麻城斬千二百級賊解圍去 九月羅
汝才自南陽趨鄧淝以合于聞賊時獻忠大敗
于南陽其衆散盡聞賊踞河雒有衆五十萬故
汝才往附之 張獻忠敗韓命于回革左諸軍
同入霍山扼險拒守 十月太監劉元斌盧九

德率京營兵與總兵周遇吉黃得功合追賊于
鳳陽及之元斌留四十日不進城門盡閉縱諸
軍大掠殺樵汲者以冒功已而欲攻城索賂乃
免張獻忠糾合回革左諸賊自霍太北行會
聞賊於河南十一月襄城守將李萬慶沒于
賊萬慶乃降將射塌天也累功至副將至是聞
賊陷襄城殺之詔贈都督同知榮祿大夫立祠
襄城十二月傳制朱大典受命督賊專辦五

營縱賊流毒全無一効其革職聽勘以高斗光
提督鳳陽兼督皖楚豫會剿

十五年正月丙子山東盜平擒李青山入京青
山本署人乘饑嘯聚數人屢寇兗州給事范淑
泰魯府左相俞起蛟拒之俘青山 辛巳左革

陟滑山壬午陷巢縣 二月左革陷全椒 三

月丙子革左老回 五股合步騎數萬趨壽州
復以兵合獻忠攻六安袁時中亦會之時中旋

合于閩 五月丙子革賊陷無為州士民投河
自沉者亡筭 潁州參將李棚大破左金王于
壽州癸巳左金王合回革連營趨潁州以報壽
州之役也李棚偵知之分布步兵伏城東南二
十里棚以騎兵迎擊戰于城南樊家店伏兵統
其後奮擊敗之斬首千餘 六月革左諸賊復
入六安英霍諸山中倚林樾度夏秋興復出歲
以爲常安廬州縣殘破者半官吏咸携印篆曠

舟理事城中荆榛塞路人烟久斷華里眼入舒
城屯於板山 癸丑詔逮安廬巡撫鄭二陽鳳
陽總督高斗光入京馬士英提督鳳陽軍務
七月甲戌革賊毀廬州城 八月回華左連營
光山羅山一軍掠信陽一軍出麻城仍與獻忠
合軍 保鎮遊擊趙崇新與賊袁時中講撫于
夏邑為賊所陷被殺時中復佯就撫詔許其投
誠自新時中出不備突入蕭縣執知縣以去

九月老回：分兵犯蕪湖掠桐安革左犯潁州
旋北合于闕賊 十月戊午誅監軍太監劉元
斌以征勦縱軍焚掠也 十一月袁時中會合
于闕賊 閏十一月李自成令其渠賀一龍趨
德安以窺黃麻一龍至黃陂阻水不前止收左
良玉殘兵八百人而回先見羅汝才自成大恨
之始忌汝才 河南土寇蜂起大者李好孫學
禮李際遇衆各數萬小者亦數千 十二月袁

時中東紀鳳皖

十六年正月左良玉率衆二十萬避賊東下沿
江縱掠江南北流土寇降將叛兵白貴小秦王
托塔王劉公子混江龍管泰山等所在蜂擁俱
冒左兵攻剽南都大振南都留守諸軍盡列于
沿江兩岸不問爲兵爲賊進兵擊之斬千人良
玉列狀上兵部自白兵稍戢羣寇始盡散二
月湖廣土寇陷澧州常德又陷武岡州殺岷王

時湖南諸蠻獠皆伺隙土寇勾引攻掠盡歸于
聞賊 三月癸卯聞賊襲殺革里眼左金王并
其衆時群賊俱歸聞賊聽約束無敢異同惟革
里眼恃其衆意不相下聞賊置酒宴左革殺之
席上革里眼名賀一龍 聞賊屯襄陽命羅汝
才攻鄖陽久不下多死汝才所部怨聞賊 四
月甲子朔聞賊數十騎突入汝才營汝才卧未
起入帳中斬其頭汝才一軍皆譁聞賊以大隊

兵勝之七日始定所部多散亡降于秦督孫傳
庭汝才延安人賊中號爲曹操以其多智而狡
也初隸賊首高迎祥後合獻忠又合自成折節
下之每破城自成取六汝才取四汝才戰士四
五萬戰馬萬餘騎馬騶廐養不下四五十萬聞
兵長于攻羅兵長于戰相倚爲用汝才老而得
嗜聲色每破城邑擇子女之美者數十人後房
數百女樂穀部所至華侈珍食山積酣燕歌舞

聞賊每囑之曰酒色之徒也以山東八玄珪爲
謀主每事取決焉聞賊并殺珪五月聞賊攻
袁時中殺之初時中困于陳蔡間聞賊過而招
之許配以女遂爲聞前鋒時中畏聞之強非心
服也時中叛而他徙有衆數萬擾潁亳時通款
于巡按蘓京然終無降意也扶溝諸生以聞賊
命招時中時中執送于京斬之後擒聞賊遊騎
送于京聞賊大怒以兵二萬攻時中殺之小袁

營遂滅于是秦中緣起之賊大半降于官軍其
強者俱爲閩賊所併至是而盡惟老回遂爲
閩賊所部老回回名馬守應自後止閩獻兩大
賊陸沉中原矣

石匱書卷第六十三

盜賊列傳

陝西逆賊李自成延安米脂人也性狡黠善走
能射家貧為驛卒天啓二年延安大飢不沾泥
楊六郎王嘉胤等入村落掠富家粟有司捕之
急遂揭竿起拒官捕不敢還家乃相聚為盜自
成往授之授以頭目七年叅政洪承疇誘降不
沾泥設伏待之賊驚遁去尋為其族人所縛送

軍門斬之自成走匿山溪間得免崇禎二年冬
十月北兵薄都城詔天下勤王山西巡撫耿如
杞八援兵詳於涿鹿叛走叢薄自成出與合旬
日間衆至萬餘推高迎祥為首稱闖王時洪承
疇巡撫延綏發鎮兵五千分道勦捕殺賊王左
桂子苗美等賊勢稍殺四年轉寇旁郡破數縣
承疇大發兵討之招降滿天星高汝利之衆千
人斬首萬餘級渠率及勇悍賊悉脫走官兵追

至延水關賊渡河入山西寇汾州等處山西逃
兵之嘯聚太行者又皆歸之衆至十萬餘初羣
盜起渠率數十人各自為隊不相統屬至是始
合分為二隊王嘉胤領西隊紫金梁領南隊分
寇平陽太原潞安屢敗官兵陷隰州破十餘縣
六年詔於山陝兵討之大同總兵曹文詔蕃將
虎大威以輕騎掩擊賊於潞安大破之殺王嘉
胤擒高迎祥獻俘京師叅將賀人龍破賊南隊

紫金梁病創死衆潰散自成收集尚二千餘遂
立自成為主軍中號闖將尊之曰老府衆將追
勦自成逃殘衆奔絳州八年寇河南諸州野衆
復盛詔總督侍郎陳奇瑜蒞山陝河南及湖廣
土狼兵勦之賊聞南下復分為二張獻忠東走
掠廬鳳安慶等處破城凡男子十五以上六十
以下皆斬其左手晝夜哀號不絕自成西走掠
鄖陽破竹山竹溪房縣自成尤慘忍夜宿必殺

美婦數十疊為肉園寢處其中以為安樂官兵
追及之自成走紫陽渡仁河遇雨水大至官兵
蹙之溺死亡莫衆復潰散分數十隊從間道走
絲連雲棧入鳳翔掠隴州叛復振又至十餘萬
蜀道險大兵不能深入副將軍賀人龍張天理
以輕騎二千追躡之賊轉聞大敗退保隴州賊
圍困四十餘日奇瑜以玩寇逮陝西總督侍郎
洪承疇代之檄榆林總兵左先先以勁騎五千

赴援與人龍天理合擊自成，大破之。會山西總兵曹文詔率募總兵祖大弼相繼至，賊遂潰散。分道遁走，官兵亦分道追躡之。至西和禮縣，官兵與賊會殊死戰，賊大敗。總兵曹文詔受創死。官兵堵截，不容賊走，殺傷數萬，降者三萬餘人。自成以十八騎突圍走，棄馬伏伏草間，佯為難民得脫，遂竄入終南山。初，陝西一起餘盜潰散，無所歸，多竄伏山林為響。馬賊至是聞自成名。

多往附之衆又稍集十二年北兵入關門洪
承疇奉詔勤王大學士楊嗣昌督師出荆襄嗣
昌表左良玉為平賊將軍扼賊於巴西魚復諸
山不得逸賊窘蹙食盡自成縊死為其姪李過
救甦因令軍中盡殲其所掠婦女以五千騎突
圍而出十四年陷雒邑張獻忠復陷襄陽楊嗣
昌慙懼自殺自成遂進圍大梁晝夜攻者七日
掘窟穴置大砲其下砲發而城北為小故迸穴

城縱橫數丈以火藥寔之一發蔽天為大放迸
圍十三日賊窟城數處外列精騎數千以俟城
陷大梁并為金人都城寬或十丈狹亦三四丈
土堅而剛賊窟城堆軌土於外火發反外擊數
千騎皆糜爛自成僅以身免走襄陽欲依獻忠
獻忠佯款待陰圖殺之自成夜遁集殘寇流劫
入雒陽復據山為盜是時陝西勤王兵乏食叛
者數百人至雒陽河南撫臣招安置城中禦寇

事聞詔逮其首惡數人解京正法叛兵大懼乃
陰誅自成襲雒陽叛兵內應雒陽遂陷福藩被
害賊置酒大會以福王為俎襍鹿肉食之號福
祿酒初自成之兵統數百騎及得陝西兵勢益
熾招集羣盜四下嚮應河南杞縣舉人李嶧起
兵附之衆至十餘萬分兵寇所屬州縣破盧氏
擄舉人牛金星女為妻金星降賊薦卜者宋獻
策能起河洛數獻策長不滿三尺見自成袖中

取出一數云十八孩兒當主神器自成大喜拜
為軍師金星等教以假行仁義收拾人心所得
州縣遂設官守之乘勝寇潼關總兵賀人龍死
守不能入遂破南陽攻南陽為安樂府自稱奉
天征討文武大將軍署置官屬衆數十萬號百
萬駐匝南陽分兵攻汝寧陷之所屬州縣多望
風納款城下賊秋毫無犯自成下令曰殺一人
者如殺吾父淫一女者如淫吾母得之有司禮

而用之貪汚吏及豪強富室藉其家以資軍人
心大悅風聲所至民無固志故一歲間略定河
南陽汝寧四十餘州縣兵不留行海內震焉
時喪亂之餘白骨蔽野荒榛彌望自成撫流亡
通商賈募民墾田收其籽粒以餉軍賊令嚴明
將吏無敢侵略明季以來師無紀律所過鎮集
縱兵搶掠號曰打糧井里為墟而有司供給軍
需督逋賦甚急敲扑煎熬民不堪命至是陷賊

久得安舒為之歌曰殺牛羊備酒漿開了城門
迎闖王闖王來時不納糧縣是遠近欣附不復
日以為賊登封土賊李際遇河東劉賊曹操羅
汝才等復與合兵攻歸德陷之咱成立授順牌
四面從歸德起東西南北負牌至村落一村降
者即負牌過別村牌過者不加兵牌存者即為
洗盪牌四面奔馳日蹙地千里十五年詔總督
傅宗龍調三邊兩河兵討之賊聞王師至先軍

于來以待總兵賀人龍虎大威與戰殺傷過當
賊乃令軍中秣馬蓐食更番迭出以罷王師日
中或暑士卒飢渴不能戰賊偏之大敗退次汝
州賊奄至又大敗傳宗龍被禽罵賊死之十六
年賊以大隊寇開封圍城數十匝總兵陳永福
設備甚嚴不得即破詔總兵左良玉劉澤清救
之澤清頓兵河北不敢進良玉戰不利退保朱
仙鎮賊圍城數日聞總督汪喬年總兵賀人龍

以陝西兵援牛金星曰人龍千里奔命士馬罷
敝吾乘其疲破之必矣已破人龍則良玉不戰
自潰若縱之深入使兩軍得合良玉孤軍復振
人龍休養士馬為之犄角吾事殆矣乃悉起兵
逆之於襄城良玉夜遁人龍軍乏食野無所掠
士卒飢罷卒與賊遇賊張左右翼奮擊大破之
人龍率精騎遁去喬年收殘衆保襄城賊攻七
日拔之喬年被殺復圍開封京師大震薊遠總

督尚書孫傳庭於獄中上書請討賊賊死詔復
其官總督山陝川湖河南五省軍事傳庭至西
安以密勅殺賀人龍諸賊喜曰賀鳳子死關中
落吾手矣時賊圍開封五月外援絕周藩悉出
府庫金募死士固守分遣諸王將軍中尉及紳
衿監之汴城室下頻大河壯麗而回賊久攻不
下自成督戰左目中流矢鏃不得出遂眇一目
大怒乃築長堤屬河決水灌之會大雨兼旬河

水泛濫汴城百萬戶悉沒巨浸河北軍操舟救
之周藩諸王子及守將陳永福得不死水壞長
堤漂沒賊壘溺死者亦數萬人賊遂引而西攻
鄭州一日拔之繇虎牢關入洛聞王師出潼關
悉引兵逆之過於汝州高傑等奮擊大破之追
奔四五十里師前後不相屬賊殊死戰會曹操
兵救之官兵大敗陣死數千人傳庭收軍還西
安休養士馬尋復出關賊聞王師復至乃於汝

州立十八砦分據要害屯步卒架大炮以守之
精騎出其間往來按伏為游兵設備嚴固王師
至不得進乃繇間道出寶遇大雨五六日軍乏
食士馬飢罷縱火抄略反為賊所驅逐王師大
困諸將乃請傳庭退軍洛陽就山西饒道傳庭
從之大軍先行高傑殿後白廣恩殿左廣
恩惧為賊所乘潛遁入關賊兵追躡王師傳庭
繇間道抵關賊攻關急廣恩力不支高傑恨廣

恩擁兵不救五日關陷傳庭死於亂兵傑奔延安廣恩奔固原勇奔秦州汝利奔漢中賊進兵圍西安攻三日拔之傳檄遠近則下郡縣相繼降賊自成遂以西安為都僭稱皇帝國號大順改元永昌百官禮樂悉遵唐制以牛金星為偽鳳閣侍郎同平章事偽封賊將劉宗敏等為列侯乃分兵三道追捕傳庭諸將李過出北道追高傑於延安傑走蒲州田見秀出南道追高汝

利於漢中汝利降賀珍出西道追陳豎白廣恩
於秦州陳勇降白廣恩亦降三道軍還乃謀犯
京師賊系二十五營每營馬賊五千又四十八
哨每哨步賊五千每日以一營為外衛值晝夜
警堠賊有逃者碎礮之攻城略地不居室廬各
寢處一布幕其製甲用絲綿絹帛數十層輕軟
而矢石不能傷馬選壯者以戟一賊二三馬冬
則以綿襦藉其足飼粟則剖死人腹為槽飲馬

則牽人錐耳取血襍水飲之馬遇人則憑凌跳
躍如欲啖之凡行軍則左右莫識四鼓蓐食數
十萬衆唯馬首是瞻大旛一動如排山倒海
當之輒靡十七年二月闖將劉宗敏李過自禹
門渡河攻太原破之殺巡撫蔡懋德攻代州總
兵周遇吉力戰死之遂進寧武闖遂破大同諸
城居民望風迎附宣府巡撫朱之馮自刎死三
月十三日賊躡居庸關京城門禁始嚴賊之奸

細布滿京城十六日賊至阜城關十七日抵城
下薊遼總兵唐通入援兵皆疲弱身無完衣但
藁有褲者即令入五賊望見呼曰汝等半年無
糧衣不遮體來此何幹速降我舊糧皆補給各
兵叩頭皆願從賊中時童子軍數千緣城而上
外羅城遂破是夜先帝自率從勇以突火至崇
文等門守門內臣奏言門外滿地是賊不可出
至齊化東直二門亦然遂還宮縱放宮女黎明

又出傳裏城伯令箭令開門守者疑為奸細藝
炮及打從騎皆緣城竄走上見勢不可為至
煤山乘龍遽去十八日辰時自城上冒箭衣繇
得勝門入騎至皇城射三矢有所卜不應鞅
不樂進大內徧搜帝后不得懸賞出示限三
日以獻出帝后如不獻出者屠京城又遣飛
騎數千分道追帝二十日搜至免月山始知
下落二十一日勒百官進見賊據經神點名二

十二日至二十七日編拿百官拘執追贓聽刑拷打呼號遍地二十八日遼東總兵吳三桂聞變而先帝復仇軍中滿素發哀慟檄遠近自成聞之大驚賜三桂父吳襄作書招三桂三桂不顧薄山海關四月十一日自成率兵六萬東行劉宗敏李過從之十六日至小平近戰數次三桂所部皆蒙古銳丁但賊多為所迫壓戰不甚利三桂懼求救滿洲八王子九王子來

覘三桂與二王子鑽刀盟誓討賊乃發兵進戰
三桂先嘗賊二王子以滿兵繼之賊披靡不能
軍詞之知為滿洲兵也遂驚潰三桂與二王子
合兵馳逐枕屍百里自成竄還京師二十五日
自成自稱帝即位於武英殿偽磁侯劉宗敏扶
劉出平立不拜曰尔故我等裔也旦日殺吳璠
并其家屬三十八口及所繫杖誠各官勲戚等
駢斬於市次日昧爽細載大內庫藏尺各進納

贓物騾車數千輛聯隊西走自成。保定入河
東走潼關。奉手一隻。帝幸過繇山。後走延安。滿
州六遂入京師。三桂瀝賊自成狼奔。走盡棄其
輜重。婦女自蘆溝橋至固安百里。盜甲衣服。盈
路。賊兵散去者十餘萬。三桂屢戰自成。兩敗於
真定。斬首萬餘級。招降潰賊數萬。八川。成中流
矢墮馬掖而馳。遂拔營西走。度故關入山西。三
桂追之。及關而止。遂還京師。九王子攝政。三桂

受命復追賊入山西自成屢戰不利遂棄山西
之西安逼滿洲兵西伐復敗之於西安自成棄
陝出潼關系軍為八營三道復一利攻北至襄
郟滿洲兵既定三秦下河南入楚取荆襄自成
奔辰州將合張獻忠獻忠已入蜀遂留屯黔陽
郟賊亡去大半然尚掠衆十餘萬天食賊將四
出抄掠黔陽數百里雞犬皆盡川湖總督何騰
蛟進攻之自成營於羅公山食盡成以數十

騎突走村落中求食邨民皆築堡守合圍伐
鼓共擊之自成麾下格闘皆陷於淖衆擊之
人四俱斃邨民不知為自成也截其首獻騰蛟
驗之左額傷鏃始知為自成李過聞自成死勒
兵至奪其屍滅一村而去結草為首以哀冕葬
之羅公山下賊諸將奉李過為首改口在緡渡
湖入險山中後改名李赤心未幾賊皆散去

石匱書曰越兒舟胡兒馬各有所長非天之降

才爾殊也。其所以服習其事者久也。洪承疇與
流寇相為終始。熟路輕車。頗得要領。自勤王一
出。楚事大壞。不可復收。蓋其所以亡之者。仲矣。
厥後文詔死。而潼關隳。人龍殺。而山海破。是皆
人事之失。豈得盡歸天意邪。嗟乎。當時謀國之
臣。鉅寸斬其可贖哉。

又曰。徐徵麟曰。李自成。張獻忠。覆國弑君之賊。
罪浮於劉六。劉七。諸人。不得同傳。又謂自成。獻

忠其伎倆不通與劉六劉七等而頑諸公蘊
示蒙蔽誘漢成之亦自覆其國自弑其君已耳
與賊何與哉余之入闕獻於盜賊傳者政所
以盜賊之也盜賊而使吾先帝死之輪臺之
悔余將誰咎哉

八口余昔游淮泗親見獻賊之破六人而商
賈截手而歸者呼號徹夜縣令上其事直指王
鼎梅曰罷三折肱方為良醫付之一笑夫

聖君在上殘賊橫行至截一縣之手而蔽不以
聞則天下事更孰有大於此者乎後至君死
國亡而蒙蔽始破天乎冤哉先帝之其不
瞑矣

四川逆賊張獻忠榆林人崇禎元年延安飢谷
氏王嘉胤作亂獻忠往從之獻忠陰謀多智
以中號八大王其部最強四年率衆二千人就
撫於三邊總督洪承疇踰年叛去有賊首高迎

祥紫金梁等寇山西轉略河南洪武時率諸將
之獻忠西奔商雒適藍郭間與延安賊李自
成陷澄城尋出潼關寇高汝八年諸將集宛維
獻忠未走掠廬鳳安慶已掠商州復至秦川是
年十一月又出潼關犯關鄉靈寶東行總兵祖
寬敗之於姑家廟獻忠合諸賊復思廬山公道
陷巢縣舍山遂陷和州沿江下犯江浦九年復
圍滁州總理盧象昇大敗之遂竄河南十年大

掠河南入楚冠蕢黃岡官軍敗之獻忠後入江
北東掠至儀真揚州告急獻忠西走入楚十一
年總兵左良玉陳洪範大敗賊於鄱陽獻忠請
降初獻忠自良玉噪而為盜洪範捕獲獻忠異
其貌而釋之以是懷舊恩乞降於洪範請率所
部殺賊自效總理鮑文燦承制撫之獻忠請置
分口於鄆西文燦為請於朝詔貸其罪立功自
贖獻忠乃率部曲數千居白沙界獻忠攻而

多計群盜每以為的其降也自言一割鄭永荆
數百里內外無一賊文燦每曲徇其請益驕
不法屢檄從征不應獻忠又求襄陽一郡以
屯其軍文燦議餉二萬人獻忠乞餉十萬人文
燦遷延不能應十月獻忠聲言寄家口於穀城
八城守之分屯羣盜於四郊十一月獻忠羅汝
才亦就撫文燦安其衆於房竹間與民錯壤而
處遂與獻忠為聲援十二年獻忠復叛羅汝才

九營並起應之獻忠賜御史林鳴球上書求封
於襄陽鳴球不從殺之熊文燦檄諸將進兵穀
城獻忠焚穀城西走與羅汝才合汝才追賊
於房縣西大敗於羅睺山一軍盡沒良玉失其
符印事聞文燦與良玉俱革職殺賊自贖九月
學士楊嗣昌督師討賊逮文燦訟死嗣昌表
良玉為平賊將軍十三年良玉大破獻忠於
太平縣之瑪瑙山斬首萬級獻忠銳俱盡止

驍騎千餘自隨走興歸山伏深箐望賄二民
下益爲米酪山中人安之反爲賊耳目獻忠得
以不戕收散亡養商賈羣盜往歸之兵復振
時羅汝才過天星七收賊盡入蜀獻忠自興房
山走白羊山入巫山隘聞川兵躡之益深入谷
中掩息旗鼓轉入而西不知所生計以進功
入山偵賊不見一人而還獻忠既西遂與羅汝
才合屢敗官兵遂渡河入巴西陷劍州趨廣元

直走平陽關從間道別出百丈山將入漢中總
兵趙光遠守關甚嚴賊乃踰昭化走西川陷瀘
晉帥監軍萬元吉提兵至立石砦賊走六都走
漢川德陽復至綿河十四年獻忠入巴州走達
州渡遂河而東往新開焚燬驛道人烟斷絕者
七百里總兵猛如虎率諸將追及閬縣獻忠連
年不利憑高而望見後軍無繼急擊之諸軍大
敗獻忠度巫山晝夜疾走房山中宣統戊寅

襄陽無備襲破之殺襄王遂渡江，樊城遂陷。
信陽郡縣光州新野督師楊嗣昌自經死獻忠
掠必寧攻固始陷光州復陷隨州左良王敗獻
忠於南陽之西山獻忠走隨州陷鄖西鄖兵與
戰敗績獻忠以所擒鄖兵人斷一手縱歸以辱
公平獻忠既拔鄖西馬騾器四倉以餉其卒盜
蟻附之衆至數十萬獻忠屢戰而驕左良王悉
精銳逆之於信陽斬其首將沙賊大破之奪其

馬萬餘匹衆數萬獻忠負重創收餘衆數千反走鄆陽遇官軍不戰而潰棄馬騾二千尚有衆二千趨南陽負創不能馳保其好望日行二十里部曲日逃十六七僅隨數百人奔河雒欲附李自成自成有衆五十萬方自雄長欲屈獻忠獻忠不為下自成怒謀殺之獻忠不晝夜東馳至老回諸賊合入霍山扼險拒守師丁啓睿以兵赴商城捷北行討李賊獻忠得逸二

十五年獻忠復出攻舒城舒城陷○曰得勝州
獻忠遣英霍游民陽為貿易者潛入廬州城通
督學御史以較士至邵獻忠遣賊數百負書卷
衣青衿襟諸生應試者旅寓城中夜半獻忠捲
甲疾馳到城下城中賊縱火應之城陷獻忠退
走采湖棕舍山巢縣六月復陷○六安縣氏盡
斷一臂男左女右總兵黃得功劉良佐救六安
營於夾山嶺再戰敗績得功歸定遠獻忠再陷

六安挫得功良佐兵謀渡江入南京遂僭號改
元刻偽寶選自宮男子偽署總兵以下官九月
黃河功復以大兵逐之獻忠走濬山行良佐
捲甲疾趨夜半緣山後譟而升賊驚起失措前
阻大溝不能列官軍奮擊賊踰崖跳澗四潰追
奔六十里斬首萬餘獻忠潰圍走其屍溢縣壑
八聞百里奪馬騾數萬獻忠腹心謀士歸璧俱
盡十月劉良佐再破獻忠於安慶馬騾二千

救回難民萬餘獻忠引兵西走蘄劉良佐旋
由淮安黃得功旋師定遠獻忠東去陷桐城屠
之復陷無為州黃梅太胡十六年獻忠以二百
人夜襲蘄州明日令薦紳孝廉文學各冠帶自
東門入西門出盡斬之遂屠蘄州疾馳至黃州
采大霧攻城黎明城陷獻忠據府府下王麻
城諸生周文江倡亂迎降獻忠大喜授文江知
州五月總兵方國安率兵七千扼蘄州獻忠西

向武昌楚王命長史募兵禦之城陷楚王遇害
獻忠據楚王府僭稱武昌曰京城偽設六部五
府等西王之寶開科取士殿試取二十八人爲進
士授州縣官獻忠以四賊帥守武昌自出陷咸
寧蒲圻悉衆攻岳州岳州陷復攻長沙長沙既
陷設立偽官大書僞榜馳驛遠近尋陷衡州全
楚俱陷承天時賊遣僞將王克生發鎮陵求
寶偽陽五知州張聯奎多脩鋤鋤衆發詎歟

風雷而大作晝晦聯奎見一金甲手持金瓜
面頂一擊即昏迷跌地口鼻流血一伏而死克
生爲走不知所在獻賊大懼遂不敢動遂遣前
鋒至江西取袁州分兵徇縣分宜獻忠自長
沙突至吉安吉安陷設偽官守之改吉安為親
安府廬陵為順民縣十一月左右公馬工秀
復長沙馬進忠復袁州盡誅偽官斬首三千級
奪戰馬五百弓矢數萬十七年正月獻忠自岳

陽渡江安設偽官於江南大隊俱往江北遂棄
長沙造浮橋於三江口以一軍過荊州盡棄舟
楫步騎數十萬入夔州左良玉追獻忠於沙陽
六月獻忠陷涪州瀘州蜀王告急請濟帥於南
都左良玉兵屯德安獻忠順流陷佛圖關遂圍
重慶悉力拒守四日而陷瑞王闔宮被難遂屠
重慶取丁壯萬餘剗耳鼻斷一手驅狗各州縣
兵至不下以此為令但能殺王府吏封府庫

以待則秋毫無犯由是所至官民以亂無不破
下者八月獻忠進陷成都蜀王闔門被難獻
忠八索全蜀紳士至成都皆殺之既而懸榜試
士諸生遠近爭赴獻忠以兵圍之擊殺數千人
咸挾筆握策以死蜀中士類俱盡復大徵蜀民
全蜀數千里蕭條絕無人跡時中原之諸將
無暇西顧獻忠遂奄有兩川李自成敗益發兵
攻漢中之獻忠遂逃自守不敢出未幾獻忠

以病死於蜀中

石匱書曰自古逆賊之暴自赤眉黃巢以後未有若張獻忠之甚者也然當莊良王瑪瑙之捷止剩殘兵數百餘人而黃得功潛山之捷但見橫屍數百餘里苟能乘勝追奔則舉手可盡奈何入甯之虎縱之使去是則良玉得功不得辭其責矣乃論者以自成犯關欲薄誅獻忠不知獻忠殘虐亘古所無譬人之死也然繫其丁而

後闖刺其心獻其胸而後闖托其吭厥罪惟
均詎能末減也哉